

道古堂全集

7D16
976
13



和 16
稀 276
卷 13

道古堂詩集卷十三

寄巢集

梁翰林

啓心

吳上舍

城

載酒過寄巢卽席

野人無一事得酒又奚求
疎樹窗中見清泉鳥下流
笑談堪送日吟望一登樓
愛此柴荆外春深好放舟

梁啓心

醉地依山好吟鞋隔水通
鳥巢君似寄鴻爪我來空
載酒迎初雪開園刷晚菘
未妨羣好事一笑歲匆匆

送全吉士

祖望

赴叢山書院



叢山巖嶭講堂尊烏下秋濤互吐吞化自甬勾被於越
人從錢水上雲門揚雄作賦多奇字劉向傳經有立言
人譜自來私淑久飢腸好爲薦芳蓀

題女士趙昭雙鉤水仙

寒山木落礪泉分小宛堂开辟蠹芸畱得外家殘稿在
一叢寒碧寫湘君

同人集寄巢梅花下作

雪後寒威未肯降探梅有客倒雞缸隔溪數朶臥臨水
映日一枝橫在窗頻遣異香酬妙句欲將清景老家江
諸公且索巡檐笑莫待飛英滿石缸

夜集張雲錦

藝舫

繫纜東湖外幽尋小巷偏佳招仍舊雨情話入新年側
月窺清影歸禽下晚煙醉眠吾未肯一笑擘吟箋

雨泊臯亭

惻惻輕寒漸作陰檝頭初纜愛微吟東風畱客成小住
疎雨對觴如共斟隔浦網暄沈遠火過山林密叫飢禽
推篷不見明明月誰識清愁滿素襟

瓶花齋百八酒器歌

延陵世嬪詩壇將畱客高齋開宿釀紫藤飄墮畫檐深
捧出尊疊非一狀傾銀注玉恐被俗眼驚別具陶匏表

清尚秘薨一百八事何夥頤法式時呈折腰樣側聞司
 彝朝踐用太尊犧象不飾太朴存有虞所尚絕苦窳祇
 今聖跡畱河濱明堂位泰有虞氏之尊也考工記有虞氏尚陶考工陶旋不解
 造飲器遂令梓人爵觚勺解成專門後來埏埴各求勝
 象董誇張哥弟競燒烟搏土徧方州近數饒磁遠汝定
 我生不識閒盃鐺摩挲百過增古情宣和王楚少繪象
 紹興張掄缺考評彭窰質粗新定脆高麗大食郵致艱
 塗程未若君家世寶一一鑒別精交光鬪采紛縱橫大
 觀龍泉非異物劣猶俯視洪宣成諸公入手莫褻視以
 人閱世年壽焉得如汝觥近郎與年方盛行惜哉但博

摹仿名吾寧慙置羞取盈瓶花齋清闕亞蟬華嗟逐銀
 盃化手澤猶存口澤兼滿注黃流趁清暇座中半是紀
 羣交感舊思今意難謝一杯一杯復一杯細數應盡百
 八迴下堦茗芋惜揮手統如有鼓街頭催

桐鄉鳳鳴寺僧

行芳

俗姓魏氏工詩為署令所誣

將致之死舒明府行獄見其詩愛之立為昭雪遂
 返初服卽以舒為名字曰更生賦感恩詩八章清
 麗可誦今遊武林明府贊之徧遊諸公間為賦一
 律贈之

細檢方袍認涕痕頓教解脫定驚魂詩書不信儒冠誤

銀鍊方知獄吏尊二業已參無盡藏辦香聊紀再生恩
禪林他日搜弘秀尙有逃虛數卷存

送舒明府瞻母喪歸里

客歲雙旌動之官湖水清賃船脩偉餞臥病隔重城短
鬢三秋改麻衣一昔驚傷心因哭母信爾不畱行
念我窮居日當君獨往時牽帆遲暮雨開卷寫哀詩朋
好勤相問孤懷黯自疑眼看春事盡愁絕罷舍卮

無米

本是行歌帶索人一逢荒歲更增貧
聒檐竟類空倉雀仰澤翻爲涸轍鱗
楊惲報書傷語激虞卿捐卹啓愁新

禮經恐有無稽論飲水何由慰老親
結習誰教綺語耽果如纏縛繭中蠶
撐腸有卷難拈賣借箸無心恥立談
避雨客過愁設饌牽衣兒頃恐分甘
悠悠忽忽頻頻想也有奚康七不堪

次韻

新城高爽藹宗山

知是崟嶽歷落人食鮭更比庾郎貧
不緣苦思腰偏瘦却恨長飢腹有鱗
座上一困誰念舊篇中八米自
生新憑君莫問江東價捧檄年來欲逮親

爨乏炊煙久自耽只愁僵臥侶眠蠶
龜腸蟬腹無奇術塵飯塗羹亦戲談
那得胡奴常致餽幾時褐父解

分甘世情略比矛頭浙危語何嫌偏仲堪

用周進士

宣武

來韻奉酬兼訊令弟分司

宣猷

卽

題其集木集後

晞顏其殆庶苦卓力鑽仰嗟汝三代英謬謂一日長贈
言如清風端諷輒神往理真契道腴情至祛凡想緬懷
哦松廳公暇思換杖歷時意彌敦境奪期屢爽陋室餘
妍思艱途託孤賞題彼在原鶴飛鳴時下上誥昆歎風
微迢遶荅遺響
身世類桔槔有俯不無仰筮易得復爻剝極道漸長明
夷利艱貞履泰必大往卑居跛脚臥輒作天際想有兄

來連牀有子能奉杖雜花時飄英梅雨忽薦爽高唵發
天慳孤緒企誰賞超遙阻通津理榜思一上為君撫清
絃竚待四山響

復園池上荷花

吹香掩冉入輕橈柳下清風艷思饒望去不知花有數
坐來惟覺暑全消唼波魚媵迷前浦曬翅鷗羣隔畫橋
翠蓋愛看擎萬柄晚涼添雨更飄蕭

題任太守

應烈

狎鷗圖

樵風涇外一春晴新製瓜皮兩槩輕絕似吳淞姜白石
踐他三十六鷗盟

閒身恰稱菱荷衣斜日收綸緩緩歸一片碧波鷗浴過
飛來只傍釣船飛

吳山酒樓題壁

長日試來同放眼危樓俯瞰一城環樹開霽色延幽鳥
簾捲江光出遠山把醞欲邀青竹蔭披襟仍抱白雲還
妍妍待浣冰壺筆細寫詩翁意思間

小雨初涼集飛鴻堂分韻

涼飈歛炎威小雨際清曉灌樹紛懽慘陰厓漸深窈長
謠坐磐石載酒俯幽沼得朋易爲懽望歲轉心悄柴門
面西垆獨立數歸鳥

泛舟北郭

披襟漸喜近涼天北郭清遊又一年五里碧波堪入畫
幾家脩竹欲生煙平橋落日暄溪鳥野艇秋風接渚蓮
天與詩翁侑殘醉酒盃移在釣牀前

七月七日集萬峯禪房

佳時恣幽討初地多清風已靡在原草復響臨池桐仄
徑穿窈窕漸出荒筠叢初疑濕雲墮豈識青靄蒙雙峯
矜脩睂弄影清流中疎磬落林杪獨鳥吟秋空幽負亮
難狀閒靜將安終迢迢睇河漢念此歡言同

寄巢秋禊

良士有風契閒館入秋爽高樹欹風楹仄岫接雲幌悠
悠緬前脩落落結遐想拍檻招漚鳧緣波弄菰蔣酒如
荷氣清吟比蟬嘶響乘化聊容與冥心謝吾黨

周京

吾人展禊事往歲曾一舉春秋佳日多興會良可數
况今際秋閏忽復合尊俎林塘接餘歡觴咏散殘暑
小山媚繁卉曲池灑新雨濃陰涼蟬鳴爽氣風蝶舞
相將臨清流漫與酌桂醕愛適禊堂幽喜洽蓬池侶
塵襟爰滌除煩憂不得語

錢塘丁健誠叔

恢台轉素節閒館鳴秋蟬露晞花房明日淡松陰穿
織鱗戲層波小蝶翾涼煙撫化脊物理矧茲巾鳥聯
羽觴一以泛列坐屏管絃晚風扇蘋末散髮池上眠
長謠攄幽負皎然塵襟湔

閏七夕湖上

水花待試風露香酒船夕泛銀塘長渚鷗背人過橋宿
滿湖雲影如波涼涼蟲飛唳銅荷淚一縷孤烟泊紅穗
山容不借月娥看畫屏依舊清無睡

晦日喜張大受陳鴻寶見過

涼入絺衣薄秋深閏又除蕭閒過二妙寂寞玩三餘斜

日同看竹虛堂罷讀書定知吟興劇不是慰離居

雨中湖上賦秋荷

橋外虛徐兩槳通跳珠擎出萬花中橫驅秋氣沈波黑
涼浸紅衣洗艷空山翠得雲生莫靄水香乘化入西風
蕭然便有江湖興篷底清吟在葦叢

湖上晚歸集南香草堂分韻

秋共水平分沿緣到日曛翠收千嶂色涼散一湖雲短
袂霑荷氣輕帆逐雁羣歸來有朋酒吟興尙紛紛

同作

施安

到處惜清景西風滿口前涼陰逐歸鳥暝色淨湖天

背郭秋難狀迴舟興尙偏詩人草堂近極望正炊烟

九日遊報國院池上用林艾軒九日韻

老去清遊意未厭短筇流憩力猶堪橋通楚徑尋僧問
鳥報新晴助客談人意蕭閒超境外水波容與學湖南
城隅不厭頻來往畱取秋光約共探

東郭訪秋卽用玉溪詩中語爲韻得霞字

貰酒出煙郭沙河猶蕩花雁行天路濶漁艇水程賒秀
嶂生涼雨高城隱暮霞稻塍欣有歲閑憩野人家

送周運判謫戍軍臺四首

短衣匹馬趁瓜期此去防秋未道遲絕塞夢迴飛急雪

穹廬春去失燕支荷戈辛苦穿秦戍磨盾淋漓寫楚詞
親奉威稜行萬里空教天際想熊姿

荷蘭山險接長城列戍崢嶸火明曾見徙關稱右族
幾聞偵敵用書生射雕翻羨從軍樂飲馬真成出塞行
衰草茫茫連大磧莫將笳拍寫邊聲

孤臣莫便嘆投荒弧矢由來志四方投筆尙慙書牘背
橫戈猶幸隸顏行鳴沙陷處聞駝圖苦月高時少雁翔
感念

聖恩長攬涕要將長劍埽天狼

雲旗獵獵閃回中帕首居然揖總戎壘塊正須澆桐酒

飛揚不礙挽長弓盛秋候障時燔燧午夜覘星喜畫銅
少爲

聖王紆北顧誰言橫草竟無功

蓮市

落落千家市舟移正夕曛晚菘隨岸遠交蔓過橋分得
歲魚鹽賤臨溪笑語聞炊烟覆茅屋只恐化爲雲

冬日葉物齋小集

發興題襟到水際釀雪年光半陰霽梅香破紙豈待烘
竹影侵階不容篲漱石能移讀畫情銜盃欲變談詩例
畱人凍雀踏枝窺約我他時杖屨曳

霍家橋道中

安穩籃輿上城東路易尋斷崖低樹亞荒徑伏流侵曙
色分茆屋寒煙散竹林南莊招隱處知是閉門深

冬夜宿南莊

澄江日落潮初生茅堂會宿夜氣清羣峯遠向天際沒
一鳥不來竹裏鳴江梅有意娛遠客幾朵疎花寫幽格
雲頭不放月娥窺特遣燒燈照瑤席席間難辨花微茫
紙屏影外橫枝長冰肌感受一塵汚飛雨來灑風前香
香細風清吹不斷醉脫貂裘招酒伴巡檐嗅藥漫商量
邀勒冰霜與春換

焦山觀音巖晚望用宋人趙冰壺韻

山腰寂歷一菴存傳是坡仙跡未昏返照炯如畱客看
崩崖峭不受潮吞盤空鶴認斜行雁穿徑僧疑倒飲猿
坐久天風更飄忽欲同瘦策臥雲根

焦山看月

平生眼界超塵縛欲向江天寫寥廓纖阿期我招提遊
放出寒光踐宿約已驚晃朗辨諸峯漸喜蒼茫認煙郭
濕銀灑灑和江流異境搖溶兩難攬九霄澄彩助清悽
萬里分濤恣展拓須臾噫氣號陰壑棲鶴驚飛觸檐鐸
大聲忽起接潮頭猛力時來打山脚蘆人縮頸不敢窺

帆葉誰能更輕掠振衣起躡山徑高光動空林葉零落
悄然靜聽魚龍吟呼酒時同石闌酌

登雙峯閣

凌虛結遐覽一菴翠微間石磴穿鳥道瘦策同躋攀了
了脩眉卷遂見江南山喧濤鳥下過白雲牕中還清景
迫短晷後游恐緣慳霜鐘發深省鐫銘畱孱顏

同作

厲鶚

香閣如危巢細路盤折至頗覺筋力衰不辨舊題字
爐烟浮江光帆影移竹翠此間坐永日自爾絕人事
將為禽尚游未免周何累歸歟復裴回短策耐寒吹

寒夜石壁菴聯句

為愛焦山好清冬况得朋馬曰瑄來因海月滿宿憶翠

微曾厲鶚梵室鄰峯勢經樓避石稜方士康間攜塵外

拂吟借佛前燈馬曰瑄風勁飄金磬天高淡玉繩世駿

松濤時警鶴芋火漫隨僧陳章梅氣贖芬馥江聲聽漱

崩閔崑靜叅禪一味冷泥酒三升陸鍾輝夢擬靈祠乞

銘從古鼎徵樓綺帶圍思楚玉繡像展吳綾寺有楊文

已為僧付質庫宋舊事添圖謀奇懷入寢興樊榭鼉更

蓮漏續龍藏竹錐膽西疇篆印銷婆律牀敷煖毳毼牛

查空談對劉勰名理叩張憑世駿覆局棋收雹停毫硯

結冰竹町森森寒氣冽晶晶夜光澄玉井興劇渾無寐
神淒恐不勝南圻明朝放歸棹游思尙飛騰于湘

歸宿南莊二絕

江風一路洗車塵凍鳥窺枝解喚人同到竹籬呼月出
月輪新較寺門新
風鐙依舊颭迴廊竹外微微弄暗香我共梅花清不寐
冷吟間嗅到昏黃

題趙彝齋雙鉤水仙

空谷蒼青秋巖雲霽故國王孫廣陳畱滯楚峴情遙湘
靈望翳言寫猗蘭宣毫當涕秀葉晨披幽馨遠曳林靜

無聲韻流空際畫譜遺民所南一例

寄懷鄂觀察敏

兩年蹤跡斷知聞頌酒判花祇自云孤月伴人棲野艇
飢烏驅我走江濱晚來借寺題青竹興盡還山看白雲
橋李城邊成小泊溪風淒緊正思君

吳淞立春

小雪飛殘喜乍晴餘冬驚見異鄉更窺檐月好焚香待
颭燭風多被酒行歷尾漸看隨日換羈愁仍向隔年生
良宵幽夢何人共只有梅花分外清

題許峻標放犢圖

巢父牽犢去不飲洗耳水華陽畫兩牛豈有可致理
達人從我好高致類如此山中草木無春秋白石鑿鑿清
泉流曉涼放去趁飛鳥斜日驅下隨歸舟有時桓伊三
弄笛吹出前溪片月白東村縱酒雜漁樵夜半跨歸聲
叱叱短衣甘作飯牛客莫問大臣在爾側

趙副憲

大鯨

招飲掬湖臺

乍回望眼入江天隔日招邀嶺路便二屨響停高閣外
衆峯青到講堂前花光得雨疑熏酒草氣乘風欲化煙
他日風流緬遺跡清吟誰繼兩華顛

北郭泛舟至臯亭時桃花方盛二首

出郭春陰滿虛徐度石橋好山如有待野鳥忽相招
港曲移舟慢花繁映水遙何人溪上住時弄賣餉簫
嫩莎青引拖遲日暖烘衣洗盞酬清艷開窗面翠微路
隨村漸轉花與燕同飛新歲嬉春徧懽悰似此稀

黃芍藥二首寄和江

春

誰教沒骨寫靈根姹紫嫣紅豈足論佛借妙香開笑面
天畱正色餞春魂遊蜂採處尋難見蜜酒澆來漬有痕
華省祇今多好句翻階剛值月初昏
玉潤江郎彩筆舒眉間色映撫闌餘隔年種艷思殊質
計畝論花當野蔬畫倩黃筮仍不似歌翻金縷得相如

道古堂詩集卷十三
若教九錫標名品封詔何煩五色書

筠廊道暑

鳥爲池光下人因竹色留
開軒初日迴布席好風周
幽磻疑過雨攢峯早借秋
平生疎嬾意微咏託山劉

道古堂詩集卷十三

道古堂詩集卷十四

仁和 杭世駿 大宗

脩川集

臨平道中

幾日蘋花滿臨平路又經樹從煙際遠山比雨餘青
野色圍孤寺溪光上短亭推篷延望久指點倒雙併

脩川舟次寄范鶴年

雲絮紛紛爛未收
絺衣相約喚輕舟
涼風時拜歲
蕤竹卻替詩人
暮暮愁

三女堆

荒阡誰記赤烏年金盃難尋玉化煙只有化城芳草遍
隨風青到夕陽邊

雨後聽濤樓小集同西安蔡

延齡

秀水曹

大文 湘

潭陳

樹 萃

長汀黎

維 昱

暨施

謙

周

雷楊

詠 范 鶴 年

丁健

跳階宿雨曉來收疏簾含風欲作秋密樹幾株低礙帽
好峰一朵翠當樓分笛吸酒荷先醉泚筆題詩竹更修
海國竭來欣合并追涼誰似此間幽

晚雨用前韻

林端隱隱暝煙收作意驚風學早秋山氣化雲歸別磧

怒濤飛雨入高樓淙琤愛聽檐繩漚滑澁愁衝石路脩
分付西窗重翦燭添衣小坐話清幽

尖山觀海簡劉明府

守 威

尖山東接海門秋特建危亭最上頭疊嶂崩雲遙送望
孤帆斜照迴舍愁粘天野氣連三泖應月寒潮帶六州
少待使君吟興發翩然乘蹻掛陽侯

同人過濠上軒遂登鎮海塔

高城散涼雨石徑路夙諳平岡信透遲叢木紛參單循
厓坐豐草俯檻窺澄潭靜續塔鈴語仰接風蟬談紺壁
出天表面面飛晴嵐擬挾仙翮健復以飈輪驟浮雲起

西北倒景凌東南盡釋域中戀獲遂天際探心賞亮已
愜目營非云貪多生愛初地持帚吾猶堪

范鶴年晚過遂成薄醉

暝色簷楹入寂寥恒自知孤城逢旅食過客有新詩風
急添衣早星繁上燭遲夜涼愁不寐且共判深卮

劉運副祖佑惠茉莉

風鬟斜縮一窩香曾錫嘉名侍漢王得向水仙仙閣外
晚雲涼雨忽分將

數朶幽芬露漸滋晚窗小摘覆冰蕩無端喚醒宵來夢
髣髴羅襟乍解時

虛堂先借竹簾遮玉藥商量未放花贏得越甌香不散
爲君蒸透火前茶

劉明府日致安隱泉水兩甌感其意爲賦長句

炎官絕赫勢驕逞屏翳時時挾驚霆橫飛白雨注層簷
銀竹森森挂千挺斯時苦乏益益儲坐使清泔變乾澗
挈瓶常慨井泉渾續篋終愁山翻迴迴腸待沃喝吻焦
匹若枯魚藉援拯劉侯授餐兼及飲事事排當中官緊
郵籤誰發調水符日致雙罌公獨官臨平山下安隱泉
翠影長窺光色炯已令白足汲軍持更勅平頭搖急艇
一奩寒鑑撓逾清卅里長河走不脛沄波欲壓揚子津

冷夢時凌華池頂鴉鉏快斫枯松毛亟向風門安石鼎
滌器先除挂樹瓢解緇小試頭綱茗北窗跂脚聽瓶笙
涼沁詩脾絕悵悻封緘一笑致頌言霖雨從今讓公等

題陳瞻衡門養拙圖

衡門之下爰有嘉樹雲宿巖扃風吟磻戶手執一卷尹
都督書听然獨笑以翫三餘野蔬既登家釀亦熟賣劍
買牛苦茅補屋老帶莊襟棲立桂林優游卒歲誰知我
心

許七承祖招集草堂銷夏

尚書奕世接衣香遺構如開綠野堂步屨到門窺塔影

泮池先借五分涼

林岫參差洞壑開紛紛大葉罩蒼苔曦輪空有行天勢
也畏濃陰不下來

青瑤灑灑繞階除避暑先成玉礪書荇藻日穿頻弄影
不知下有一雙魚

風條爭寫青鸞尾露葉紛遺金錯刀恍似湘江清曉望
一重丹嶂萬篔簹

蕉花荆樹兩澄鮮借客高齋枕手眠一朵晚雲吹不墮
遠峰青到翠簾前

飛觴瑟瑟卷涼波欲飲爭如戶小何手把碧筩邀素月

一庭清景占來多

謝郡司馬張鐸惠茗

張侯妙茶事貽我茗莢一串滿滿都藍盛紅鈴斑駁封
識固淥箬包裹緇繩輕名品攝衆妙至味涵六清云是
黃海絕頂火前摘綠雲蒸雨青猿耕當風不暇滌瓊試
但覺香氣拂拂交苔楹多生愛茶有結習雨窗煎水從
頭評蒙山路遠雲霧隔月峽水束蛟鼉驚近從龍井溯
日鑄御園繁富難具名蛙熊自來無定嗜未若此茶珍
重兼高情細非雲碓碾緩待石火烹魚眼時雜竹雨沸
豕腹滿貯松飈鳴硬餅大敲佐快嚼靈液已析朝來醒

戲學玉川弄險怪懸河豎義秋濤并請述茶德及公德
恐聾聾瞽驚孩嬰假如枯魚失望渴驥死雄雷噓響葑
遏萌誰能上天倒挽天河傾誰能入地猛擢修條莖若
非季疵埏土肖像肅神祀我輩安得飽食搖扇張口噓
驕晴高齋軸簾清晝閱樹底選石安碁枰竟欲年年從
公再拜乞茗飲鈎梯百道煩公攜到天都一千一百八
十仞上撒手縣厓行

慰周武選雷患漆瘡

高館潭潭盛供帳髹几雕幾出新樣支頤橫肱鎮不離
搖筆攤書日相向暑風鏤骨潤侵肌忽使幽人獲奇恙

道古堂詩集卷十四
五
玉函細檢瘡腫方說與醫師竟疑剗上連肩膊下尻脰
痛癢交攢不容狀或言附漆者削哺沃沸亟須乘熱湯
或言敗漆者蟹膏稻短雙螯誰縛餉櫛牀宛轉闕安眠
鳥爪爬搔總難暢不教明主徵費貽幾使友人疑豫讓
湘簾長日對房開灼艾難分中養養五行拘忌木畏漆
諺語聞諸知不誑君才杞梓梗豫章千尋聳秀青雲上
加之雕斲詎非宜被以丹黃固其尙磊砢不得施廟堂
空老深山嗟大匠藤纏蘚繡節轉蒼蟻蝕蟲侵神逾王
斯須疥癬豈足憂立起瘡痍吾所望花陰扶掖坐秋涼
貽子紅藤九節杖

新秋雨霽同局諸公喜予買舟至此有詩見投率
爾奉荅

蕭然休暇類飄蓬每愧琴尊未得同湖寺舊遊貪佛日
溪途先夕借樵風逍遙高館勞芳訊寂歷晴秋悵莫空
今日碧梧青竹畔且將詩句荅諸公

海昌以六月二十九日爲觀音成道之辰北寺設
無遮之會傾國往觀衣香散霧扇影連雲良會不
逢勝情中阻系之以詩

雙檜軒空不奈愁法雲猶爲護紅樓鐘聲殷檻隨風遠
旛影縈香竟日浮鹿女想因傳戒至龍神多爲聽經畱

廉纖雨過妨遊屐獨向高齋對好秋

迢迢勝日尚孤潛未得香臺履跡淹花氣欲逃三里霧
佛煙如隔一重簾明知黑業嗔疑讖豈爲枯髯定惹嫌
遙想綠荷清不改九蓮池水夜應添

送唐

廣傳

還湘潭卽和其秋懷韻

青鐙照影思悠悠作客誰能耐早秋名嶽數峰遮望眼
空江九派接吳頭鴿原入夢黃泉隔萱草驚心白日愁
我亦年來同此境因君清淚雪交流

蕭寥孤館夜遲眠讀罷新詩意悄然宦學幾年觀海日
鄉心一夕溯南天歸帆挂待秋潮落祖帳開逢去雁前

太息何郎真似舅重來看取錦衣還

陳觀察樹著
君舅氏也

題查編修

祥

雲在圖

本無出山志先問還山期還山理茆屋雲氣繚繞之觸
石起膚寸俄已四野垂鍊骨毛髮換濯魄心神怡紛郁
滿松徑空濛塞鴻遠墮澗不可籜出岫誰能儀矯翼破
蒼靄惟有孤鶴知至人心物化獨抱煙霄姿嵐陰散鼉
采巖雷飄寒絲玩變闕天巧習懶測意遲浮薄亮所議
舒卷夙以師負杖約暮樵歸咏泉明詩

次劉明府山圩督塘韻

白

功成四載笑談間萬派驚波此作閑日脚西迴開地軸

潮頭東望亘天關
鼉更尙撼連雲塹
蜃氣憑吞隔岸山
便欲邀公吹笛坐
布帆晴狎白鷗閒

趙叟

虹

過訪卽送其還練水

幾載平津客
翻然歸舊林
相思千里駕
閱世百年心
野徑看雲近
閒門植杖深
秋風增白髮
惆悵此分襟

七夕聽濤樓席上咏蓮子

蓮子吾憐子
空房可惹嫌
寸心長自苦
清味豈能厭
綠待羅襦解
圓看玉果拈
當筵荷氣透
索向翠盤添

西菴

清壕環玉帶
初地拓金繩
開徑刪枯竹
交籬引蔓藤
愛

攜青眼客頻叩赤髭僧
策策庚辛檻呼魚興尙乘

千令升故居

在黃灣菩提山麓今爲真如寺

晉紀昔南運常侍江左秀
易理超王韓史例準遷壽奇
聞破荒塚秘記燭陰岫
鹽官隸新氓撰譜族仍右翠丁
苔楹交幽扃藤瓦覆想見風
雨深椽筆此馳驟陵谷嗟
屢遷興廢孰相究浩劫落化城
彼法託弘宥梵夾屑松花香廚
接巖雷回首永嘉年已閱萬昏
晝滯淫信孤懷睇盼悵遺構
長謠荅晚鐘何路寄賢胄

七月桂二首呈劉明府

桂樹陰移笛簟幽
初秋轉覺勝中秋
當風藥細香先馥

貫月枝蜷露漸流別館折來南雁杳小山吹落亂蟬愁
吳剛正要揮殘暑笑向花間十日留

白露才零白日長故教金粟報秋光山中後約賒靈隱
雲外先機叩晦堂桐葉乍飛頻見雪蟾精未透忽傳香
絺衣立盡團團影欲借清芬破早涼

題周聯舉畫蝶四首

調鉛殺粉費評量觸撥風光信手香買得仰家新樣扇
寫生重仿小滕王
穿徧雕廊撲綺窗又隨花瓣度魚缸魏收枉自矜才地
不得周郎畫作雙

葉底東西夢易迷柳花時節並黏衣尋香忽上靈虵髻
不共黃蜂一處飛

颺日縈烟鬧午晴翾飛真覺可憐生畫師只恐鶯捎去
澹寫幽花一兩莖

楊十一詠約遊東林寺不果

欲往東林寺清晨望眼措傳聞十笏地已結八關齋遠
寄秋偏好幽尋願忽乖因風問楊詠何處試吟鞵

中元夜海上看月同程堃周聯舉曹日銘

寫望明明月憑虛浩浩風山雲成草莽野氣接鴻濛清
景他鄉看孤懷此夕同何當凌紺塢橫覽大江東

經句

經句不見酒人招獨振絺衣抱寂寥
眇眇夕情長自斂悠悠積痼豈能消
空城月上秋聞雁高閣風清夜枕潮
聞說齊門多濫吹不知孤瑟有誰調

秋雨新霽喜潘廣文范上舍見過用江文通擬古

詩各占一韻

華觀樂幽屏岩堯儷神京夙契養生旨兼以觀物情
驕暑勢未已白雨紛縱橫俄焉耳目改灑然心地清
絺裳潤芳氣短髮飄素莖石瀨流尚淺欄雷浩已零
唳露飢鳥下緣砌秋蘩平履卽來二妙交系我冠纓涼飈已滿

樹斷雨猶在城朋簪喜盍各不異九子萍嘉賞自茲始
孤懷擬同傾庶以翫晷景豈爲來者名

晚過清吟上人丈室用謝康樂遊赤石進帆海韻
城陰雁初墮木杪蟬乍歇涼風靜逾扇翳景澹將沒
遵塗玩澗毛理策破石髮旛動戒香聞花落幽磬發
窗中滄法雲林際漏華月入夜神自閒耽寂興彌越
妙諦邈莫尋佳遊悵久闕星河互明滅心迹兩超忽
眷然味公言性斧豈終伐

重過西菴用張景陽雜詩第六首韻

禪悅老彌戀秋氣今始深精舍寄城曲路記緣溪尋枳

援抽新條柘蔭成舊林
儵魚驚脫葉幽鳥荅苦吟
靜窈謝塵軌寂漻傷客心
金風振長薄墮景翳遠岑
水波澹容與雲峰幻岑
峯元棲有夙諾繕性匪自今

陳郡丞

珠

命工寫照自題曰本來面目戲呈三偈

一重公案誰拈出七事條衣可著來
試向雪山叅轉語不教道破只教猜

傅朱搽墨盡登場濕哭乾啼雨不妨脫却蘭陵銅面具
看君何處畫圓光
四大虛空示幻身時來晏坐算微塵
傳神特寫西來意笑煞紛紛借面人

風雨甚厲適查編修送酒至用陶連雨獨酌韻

風雨日淒厲足音慳
楚然隱几養餘日開卷晞前聞
隔巷致濁醪歡躍疑登仙
壺觴豈為好奈此慘慄天
以較東籬人未審孰後先
起視庭樹暝飛鳥當來還
既醉復爾歌嗒焉忘衰年期
我同心友雨止共寤言

檢東坡和陶詩第二韻乃是間字明日雨霽陳相

國惠致肴核再和一篇

皎日忽已升清風恒惠然
意愜視履安蕭散竹石間
遠晞東林社近擬玉局仙
藿食縱無酒亦可全性天
猥蒙左相愛輒以美饌先
口誦滄浪詞手招白雲還
醉鄉日

月長違紀懷葛年此意去人遠思與靜者言

善慶講院示桐谿擗奢二開士

秋寺便幽討城隅徑轉南涼雲開茂蔭清梵散晴嵐靈
晝詩情美聰殊逸韻參蔬廚吾亦飽竟夕共元談

北道宮聽金道人彈琴

平橋枯磻路漫漫同過仙人白石壇碧瓦日高松鬣健
綠窗風定鶴翎寒九霄不見瓊章奏三疊偏宜羽客彈
慙媿上清無路到坐深苔榻怯衣單

七月晦日觀鎮海塔燈

紺壁晴懸錯落鐙飛光勢欲替圓冰上方欄檻琉璃映

十地香嚴絡網承出海星毬移閃閃接天烟蓋透層層
何時心月交相印縛帚來參最上乘

西郭泛舟至春熙門

西郭輕舟發緣流漸向東白蘋花破碎只愛漾溪風

遊安隱寺用昌黎秋懷第三詩韻

山寺窈以深松徑亦孔曼日出權初停廚荒僧已飯看
松續前塵頰泉果初願濯魄亮見許觀空豈待勸泄靈
自何年歷劫知幾萬風廊漫經行茶盃互酬獻客來慧
鳥迎客去秋姑怨

哭趙副憲

大鯨

二首

峇堯梁木竟摧殘
老友驚聞淚未乾
四海尙知求筆迹
九京何處挹文瀾
猛拋撫仕抽身早
痛戀慈闈瞑目難
從此玉珂消息斷
柏臺風勁暮增寒
文場蹀躞御風輕
卅載提攜儼弟兄
長見殷勤叨齒論
幾會辛苦役心兵
春中頌酒歡猶昨
身後銘幽讖竟成
知己算看寥落盡
後生誰識此時情

爲虞山陳

瑞麟

題畫

曾巒無雲清若空
有樹不肖填青紅
何人寫此蕭淡景
家法母乃雲林翁
驚風屑屑漸髡柳
邂逅陳遵少杯酒
題詩瑟縮卷還君
落日城隅惜分手

題陳

文棟

蕉下撫琴圖

年來種紙漸成林
暇輒棲毫弄玉琴
恰好蕭蕭送涼雨
綠天菴裏寫清音
嶺竹谿湍韻絕哀
特畱大葉罩蒼苔
亟呼巧匠修琴薦
坐待月明元鶴來

海城雜句二十八首

九里高城路舊諳
五門煙景百厘參
猶聞嗚咽修川水
流向空壕照蔚藍
試教出郭便成村
不養蠶時也閉門
山插著簪流響珮
落鴉殘照滿城根

金塘春暖漲晴沙翠岫參差隔岸遮一百里中紅不斷

桃花水上看桃花常撫軍值桃樹無萬數於海塘今名萬花塘

祀典欽承海浪恬五雲樓閣迴清嚴廊迴爭看劉鑿塑

賺得遊人逐隊添海神廟象塑極工

高閣凌虛祀水仙幽花姪姹竹澄鮮上頭更著紅亭子

磴道縈紆寫玉泉水仙閣水石清華可供遊憩

海角崢嶸出異才綠槐陰處澤宮開齋淪半壁青瑤水

窳堵波尖照影來泮池在學宮外橫廣數畝隔城鎮海塔影落池中鄉人以徵科名之盛

荷傾圓露香漁國柳颺晴絲拂鴨闌占取空亭標絮影

使君遺愛畫應難兵備官署有荷池柳絲飄拂嚴入畫圖鄂觀察標亭曰絮景

岩堯紺塔倚空冥千級梯枕四百鈴身在碧霄飛鳥背

眼中才見越山青鎮海塔俗呼占鼇塔在海塘

桑陰路轉接魚杠鹿苑三間拓水窗擊漩絲蘋思下釣

忘機先見白鷗雙塔院後有水窗劉大令榜曰濠上軒

紛紛雲錦爛秋旻百頃風潭兩寺分映日赤棠蟲篆葉

一株橫臥礙鷗羣北西兩寺比連門臨池水荷花特盛

罡風時轉石幢稜幢上殘經貝葉瞻乞取琉璃換香界

蜂房同綴半千僧北寺近年始構觀音等殿邑乘引舊詩三橋兩寺半千僧

烟寺春陰散曉鐘出簷高樹碧瓊瓏詩人枉負登臨興

一簣扶筇上蟹峰西寺有土阜號蟹峰山晦山和尚詩樹影蟹峰寒

宗臣遺像肅清高杜石座荒涼沒野蒿多謝尊儒劉大

令新祠吹簫薦溪毛張橫浦先生祠在南門一椽僅蔽風雨劉大令守成鼎新之

選士前朝有典刑華棟頓易草空青若非舊史岩堯筆

遺跡誰徵射圃亭射圃亭在惠康橋東北今其址已廢查太史祥有詩紀事

野水瀾瀾百步長擣衣人去石蒼涼秋來絕愛隅陽宅

門對西風薜荔墻明太常陳隅陽與郊宅在燈草菴左流水蔓藤瓏披拂

海波濺沫入高樓樓上風簾盡日鈎待到酒闌高唱發

范雲好句似清秋范上舍鶴年聽濤樓時招諸文士觴咏

荷花荷葉綠披披亂水奔流赴古陂貪看一雙花鴨戲

斜陽影裏立多時鬪富巷東有荷花池居人即名其地為荷花池

繞屋栽梅播素風傳經人往講堂空不圖鄭志紛綸在

帶草盈階見小同張孝廉次仲注詩易春秋築梅花書屋讀書其中元孫大令天翼能世其業

畫禪書聖兩崢嶸詩味還如醉酒清不是感恩吳順恪

孝廉何地乞餘生查孝廉繼佐伊黃才擅三絕順恪吳六奇謚也見漁洋山人撰傳

西郭荒廬枕水濱冷吟狂嘯忘冬春北窗一卷珍先澤

辛苦當時炙輶人宋儒施彥執著北窗炙輶後裔秀才謙以詩名江淮間

俞生冲抱性天全詩格能參正始前陋巷無人苔上榻

誰將黃憲比顏淵俞秀才楷甘貧守道不妄干謁詩味醇深五言特妙

黎九詩篇足啓予周髯風調迴誰如寓公更有方山子

樓殷殘鐘讀異書

長汀黎維昱為媿曾參政文孫周聯舉為櫟園司農文孫江都程埜為武

岑太守文孫皆寓茲土倡酬日富方山莖字也

仙歷悠長洞府深鎖窗瓊榭互窺臨松陰日午轉苔石

時有道人彈玉琴

北道宮有道人姓金妙琴事

講堂寂寂而城開千佛微塵付劫灰只有清吟兩開士

鑄金曾祀蛟公來

南寺千佛閣東坡有詩今廢寺僧懋膺樽奢皆知詩

疏簾清簟鎮相持燕寢同看落子遲記得仙郎誇管領

花封兼轄兩棋師

范施兩生弈品皆海內第一手林鳳溪先生宰邑時嘗邀至官閣決勝

照底清流帶土岡石橋分淥竹招涼謝公絲竹隨烟散

秋鳥銜哀叫樹堂

吳廣文士銓似園近東郭清澗土岡頗極野趣中有樹堂花船舞衫歌板

跌宕風騷今已為黃公酒壚矣

雙星隱隱夜迢迢玉碣縈迴烏鵲橋喚取荆巫斟桂醕

叢祠風篠咽金簫

烏鵲橋在縣門左七夕為總管社簫鼓竟夜

西菴池水漾空明月月圓祝放生恰好經臺雙鳥下

竹籬笆外報秋晴

西菴有池徑畝邑人放生之所

方大中丞

觀承

有總督畿輔之

命扁舟往送語

溪途次率呈一章

東山喜觀繡衣裳忽漫金風又判行一夕畫塘陪笑語
十年丹地記迴翔為霖已見蘇西浙持節猶煩領朔方
望裏柘陰濃不斷得公擡眼即甘棠

和陳 沉 吳江雪泛

理榜指晉陵溪途溯鷺脰驚風振危柯倒影明遠岫垂
虹挂湖棱波漩劃圓秀潏潏霰初零招招帆漸收決肯
空四垂快雪掩羣垢清境俗每遺奇福天所佑讓爾哦
詩人蓬底酌重酌

題陳 瞻 桃源春泛圖六首

臨平湖水碧鱗鱗天遣天紅作去聲好春人面賺他浮一
舸風光冷笑乞漿人
船頭風起怯衣單船尾花飛點鬢殘正好鱗魚初拍岸
爲君添筆寫漁竿

輕風才過縠紋生柳外歌喉尙澁鶯貪看碧桃紅照水
不知身在鏡中行

權入花溪宛轉通臉霞好借萬花烘莫欺皓腕嬌無力
爲泥情瀾不蕩公

淑氣斜連疊嶂煙傍花穿竹恣沿緣風懷絕勝元真子
不着樵青在畫船

薦紅委地逐東流鉛水潺湲竟未收不合展君圖畫看
花時肯上木蘭舟時有亡姬之感

留別海昌諸子

沙河百里去非遙黯黯分襟悵此宵戀景天方飛紺雪

道古堂詩集卷十四
遊塗月恰次玄枵寒廳妙句慚難和祖席貧知喜見招
醉約周郎連畫舫紫裘烏帽坐吹簫謂周五雷

贈曹秀才

日銘

問年羨爾方英妙作客憐予久滯滯夢裏有人分綵筆
愁邊無力贈南金椒盤餞歲飛騰過竹屋拈題仔細吟
珍重憐才還惜別臘醅今夜試重斟

道古堂詩集卷十四

道古堂詩集卷十五

仁和 杭世駿 大宗

桂堂集

題皇甫

鯤

秋林讀書圖

老而好學袁伯業貧更嗜書董仲玄二者於君未知孰
比並但少滿林秋葉紅燒天赭虬卵熟霜力透蟲蟻不
敢輕雕鑿尋收有意媚幽獨亭午日脚長漏穿有時因
風墮一片騷屑祇解打瘦肩經神於此坐攤卷緇帷之
息或庶焉請言讀書大不易書城蕩蕩誠高堅惠施五
車誰得見安世三篋記未全君家士安樂耽翫書淫美

號世所傳卓哉後起在吾子六學一一煩疏箋與酣摘
葉可代紙立說矯矯無頗偏要從孔會會大意豈在盜
竊窺陳編暇將從子執都養閉門掃葉炊寒烟

題程莖張莊探梅詩兼悼天瓶司寇

殘雪流澌長碧瀾梅花清絕玉妃寒庫篷廿里溪橋路
又向程郎卷裏看

簪毫朶殿日相於說著梅花尙憶渠今日雪溪消息斷
紅羅亭下哭尙書

小集吳山延慶山房

苦無瘦策怒登臺覓取花壇覆酒盃千頃銀瀾穿鳥過

兩行晴綠到窗開清遊共有棲山志迴望誰懷弔古才
笑倚危欄頻指點天風仙樂忽飛來

十二月八日集瓶花齋主人以臘八粥供客聯句

歲序何崢嶸周京星紀忽已弔八葉抽堯莫金志五德

重漢臘吟社邀襟聯厲鷗山館喜簪盃浴佛東京遺梁

心設供西竺法漑釜精作糜丁敬析薪爍以蠟果兼檜

設膚世駿米槩升龕合釋之復揉之全祖載剝還載招

瀘泉力斧冰顧之麟蒸餽氣焚藹汨泪醅泛缸吳城濃濃

乳傾榼宿辦勝咄嗟丁健早起占噬嗑坐疑集梅林汪

漱圍如禮花塿不待木魚呼京何煩齋鼓鞞素甌滿同

盛志章淨饌齊一呷甘芳滑流匙鷄磊塊利用挾羣味

訝水鳧啓心餘瀝施簷鴿口香聞諸天敬腹果傲古衲

利益瞿曇云世駿家風宗靖禽緬思烹穀初祖望軒后

澤溥洽玉井象昭垂之麟橐籥紀職納人皆依食住城

俗始理生陞貴或揉玄黃健三品侈和雜貧或點蘸鹽

啓淑七寶想喂嚙或詭名目奇京料斗說閭闔或困衆

指繁志章舖歡沸吹飲無傳放翁詩鷄膏載叔庠劄寒

持濟軍飢啓心晨炊恤僮乏何如我輩閒敬文史共歡

狎蜡飲用上寅世駿談議資某甲嶺梅吐萼纔祖望山

茶破紅恰騁辭筆紛飛之麟搜祕神有塔節物鬪朋賤

城故事徵梵夾流連至纁黃健新月照簾押啓淑

題施謙探梅圖

灑灑霰雪交寂寂寒梅發遙峰耿積素迴望興先越不

見釣艇橫行防石橋滑荒窅徑始窮凍礪響復歇疏花

出橫枝一一瘦銅骨因風颯光炯向客更秘醇吟詩就

龕鐙晚飯枯禪窟閉眼西谿遊清夢遶烟月

春分後三日湖上

鬆泥迸笋草抽芽驚道春分已過耶積雨借湖三捺水

暖晴烘寺一林花坐攜老伴吟情健權指南屏逸興加

向晚愛添寒料峭東風吹出浪紋斜

和黃司馬

圖琬

追悼姬人三首

判花刺史墨爲莊迷迭猶慳一兩香才德旣優何況色
那教荀令不神傷
頻煩妙手寫真真可惜如花不惜春碧海蒼茫經歲隔
玉釵羅袖又生塵
桐花落盡閉重閣帳裏神來望又非一段清愁消不得
黃昏微雨玉蟲飛

周運判蒙

恩免歸道過武林志喜

萬里投荒可憚遙 鴻恩似海喜君邀辭家馬角虛勞
祝望 闕雞竿不用標成堠未攀秦塞柳歸程偏戀浙

江湖酬知尙有文章在鵬醉狂歌判此宵

泛舟北郭憩蓮社精舍

喚艇緣烟郭娛衰免瘦蘩溪光孤寺得花事晚春仍熟
徑憑鷗導新詩借竹膽歸愁林雨黑欲乞佛前鐙

周學士

長發

將還

朝枉過桂堂話別

喜脫征衫此暫稽午風不動一蟬嘶豈無詩卷供俳笑
小有軒窗待品題玉署君仍參國議茆堂我自穩林棲
廿年遊好嗟零落話到燕山意轉迷

夏日湖上

出郭乘清曉夷猶到寺門佛鐘當檻散漁艇過橋喧洗

手歛荷葉移杯就竹根滄浪高興在不共野人言
舩尾安茶具清波共酌斟推篷嵐翠入近寺柳絲侵題
竹招烟客垂綸狎水禽漫遊吾意足何必入山深

湖亭送查郡丞禮之粵西

人向南天日倍長仙舟小住水雲鄉羨君佐郡年方壯
笑我歸農興尙狂莫以跼馬援更因此馭重王陽
崢嶸五管無由到回雁頻煩寄一行

題許承祖焚香默坐圖

琅玕萬个寫幽清人在湖堂夜正晴山鳥不鳴林月上
時聞落葉打階聲

穿階流水日瀰漫紙閣徐教一榻安似向雜華林下過
逆風聞處是旃檀

禪火燒殘熱惱蒸算來只有靜相應蒲團學得觀心法
不是南窗打睡僧

天寧具公招集蓮社僧房

規取金焦結化城一袈裟地綠蘋生屏添瘦影人初到
桐送新涼句易成齋鉢已煩花雨洗釣牀喜就雪鷗盟
何因得飽松花飯始信諸天亦有情

湖上迎秋

打槳迎秋向水涯遠空如洗眼重揩待看西爽招吟袂

忽送輕陰散酒懷
馴鷺浴波荷委港
孤螢啼露草沿階
歸來醉倚梧桐樹
一葉先零在小齋

桂堂池上秋花以閒居賦中華實照爛四字爲韻

分得爛字

高雲映空薄活水循除漫
一雨天公慳秋花色彌爛生
我廣庭中環列曲池岸
墻根一叢吐階下千枝粲
撐涼瘦葉森縮仄蒼藤曼
妍妍弄幽姿亭亭挺脩幹
依巖轉秀媚傷竹不凌亂
因風拂琴薦借月照書幔
無須籬樊遮時用井華灌
不謂空明境獲此錦繡段
喜免俗駕窺幸際炎景換
擬補江淹頌方期宋祁贊
蕭閒四秋士牽

拂過山館佳時愜幽尋
小草恣流翫地偏竟忘貧
談深時送難鬪豔抽妍思
卽景役柔翰詩題記歲華
花品待月且預愁打門喧
傳寫徧鄰閭

京師書至連得戚友惡耗詩以當哭三首

族子邑丞必成

生憐玉樹竟摧殘
凶問迢迢託耿蘭
千載風流希小阮
廿年辛苦守卑官
河壩暮雨魂應痛
潞水秋風骨未寒
手把遺詩正清絕
挑燈揩淚幾回看

馮黃門秉仁

七年分手邈風期
豈意逢君命盡時
惜華望窮慈父淚

江湖信杳故人悲
掖門空想從容度
驄馬猶欽颯爽姿
感激

聖王方嚮用九原
何以荅恩私

門人張進士

草驢秃尾入都關
身後銘旌一命慳
金馬迎神千驛迴
青蛤歸匱萬山環
芳時歎息從今歇
吾道評量自昔艱
賸有布衣頻俾浣
因君清淚漬斑斑

同人釀酒桂堂爲吳城祝五十初度用東坡八月

十七日天竺僧送桂花分贈元素韻

桂實餐完倚桂眠
眞應喚作桂堂仙
吾家近占東西屋

此樹曾經大小年
細乳上扶朝露重
蜷枝橫貫晚雲妍
姮娥貪看人間樂
時送清芬到酒邊

重九日瓶花齋席上送汪五往叅湖廣制府新

尚書軍事

清秋逢九日相送
孟叅軍偉略吾眞羨
孤懷迴不羣
醉題神女廟晴弄九江雲
試與論三楚囊中有舊聞
九派尋陽水能流萬古情
上游雄府地記室盛才名
邊境烽烟息豐年米價平
祇須凌彩筆坐嘯亦風生

雨集篁菴

前宵索飲又今宵
筮屐能來破寂寥
荒井碧苔秋漠漠

閒房修竹雨瀟瀟人如野鶴身長健句學孤僧格更超
此段清寒誰畫出經龕圍坐一燈挑

錢塘 金志章 繪占

精藍不隔小橋東展齒相尋竹徑通入座雨滋秋蘚

碧彈碁風颭佛簾紅難教結習空文字暫喜龕燈對

寓公時全榭山 借寓菴中盡醉不知歸路滑超然吾已出塵籠

送徐參戎青之官武昌

中流笳鼓北郵程折贈剛逢菊始英繞郭黛峰含遠色
照舷紅樹寫秋聲地當荆楚雄兵處詩負幽燕老將名
天塹試教橫槩看早知懷古有深情

十月十二日集瓶花齋對菊食蟹聯句

詩盟趁冬閒折柬踐佳約登高已後期周京良會欣有

託清言苔吟蟀朱樟勝友占噪鵲侵窗短景紅金志章映

戶蕭雲豹奔隨握槩為戴廷句間捶琴作主賢善娛賓

厲鸚竹興非寂寞盆菊正爛斑汪臺斲蟹殊磊落鄉物

吳俗同梁啓雅事晉人各把玩掇其英丁敬拍浮佐此

酌京兆誰所餉世駿灑縣古云樂中央后衣明張湄外

骨士介薄性躁喜未糖全祖味甘宜入藥香堪制頽齡

施安 雋適供大嚼元黃血初凝江汝紫白色交著徵名

錫延年吳城解經詮郭索輸魁芒在腹京除蠹葉畱脚

水仙薦可分樟霧女出應愕潮上見蛻餘鵲月中合栽

却一枝烏帽斜志章幾輩寒蒲縛鳴薑聽隔廚廷禧采

杞伴攜鑿風莖看微動臺霜殼恣羣掠摹形尖團異啓

心繪影濃淡錯漫詠屈子騷敬匪逃秦客瘡湯官笑蹒

跚世駿圃師愛成削花經品或差湄食指動能博瓠大

詫輪囷祖望錢小憐灼爍朶休冒雨尋鶚螯只如雪斫

洗手饌法新安照眼秋思昨豔披愚齋譜汝器饗續疏

寮略羊何坐不無京韓孟體相若排比費蒐羅樟釘鬪

資嗚噓朋歡忘宵長城燭炮轉街櫟志章

桂堂席上送張徵君庚還長水

徵書未足慰幽潛萬里歸來貌更恬京國朋歡半淪謝

菰蘆詩格獨清嚴鈎簾漸喜寒威減把盞俄驚別緒添

史學政須窮地理昔儒疑處向君拈君著綱目地理刊誤方成

題程上舍名世風雪歸舟圖

朔風送客一程貪擁絮孤吟髮未簪篷底冰花篷背雪

荒寒山色畫淮南

哭孫觀察陳典

玄陰黯黹眇愁予細數君才那得如晚節聲名邀

帝鑒窮邊心力瘁軍儲魂歸越水途真迴星隕樊城怨

有餘篋裏素書慚未報九京何計慰離居

送門人孟侯宰歸化

愛爾河東秀之官正妙年蘭橈江月送竹轎嶺雲穿海
邑徵鹽稅潮鄉仰蛤田好成風俗傳早晚報吾前

寒食日集無不宜齋梅花下用元華棲碧過翟氏

草堂韻

平生邱壑愜心期特揀芳辰喚杖隨獵酒頗宜新雨後
探梅已過早春時吟風小鳥清于笛照水橫枝瘦似詩
如此嘉攜莫輕負試圖主客問張爲

仁和翟灝晴江

隔年花事荷幽期未辦櫻鞋竹榼隨閉戶尙餘春一

樹倚檐如望客多時清尊相對微過雨薄暮無言巧
索詩待綴暗香疏影句恐嫌牙後拾江爲

題徐五以素綠榭野屋圖

徐君老屋臨餘不門前活水青瑤鋪翩然愛向邱壑住

金鷺舊是神仙都石壁蒼深太古色挨徑環廬榭四列

戢戢何止三十株坡詩釋杉戢戢三十株非檜非松非栝柏啁啾

鶴雀不敢巢颺颺擲哀猿號天公作意灑涼雨但聞

清風搜攪聲蕭騷葦山架宇轉帖妥緣屋縛柱長堅牢

開軒正對玉龍挂御氣擬挾雲將逸步欄窈窕通仄嶺

瘦葉攀鬆弄秋影冷月下射老魅潛淒露微零孤鶴警

知君欲發龍威藏充廚先聚三月糧憑空役使千指管
雕鑿混沌開天荒土曠樹豐百需足薪供樵炊皮蓋屋
緘書特報對牀人梯磴能來伴幽獨謂賢兄以震

贈金觀察

志章

五首

江上銀濤滾滾催草堂剛對曲江開橫襟坐攬千峰秀
放筆平添萬壑哀海國蒼茫徵故蹟霸圖銷歇出驚才
城南不少豪韓愈眼見低頭下拜來謂朱樟范肇新丁敬諸宿老
鳳池緩步接華簪益益春溫溢素襟結陣曉鴉催瀑直
翻階紅藥鬪清吟坐陪將相謀謨密手捧絲綸寄任深
鵠立殿頭仙仗簇日華開處在班心

兩鎮雄藩控制長防秋千騎繞邊墻龍門山遠開天險
馬市臺高壓大荒霜戟曉連沙草白蜺旌晴捲塞塵黃
風生坐嘯尋常事難得威棱愴朔方

天遣溪山著此翁漁簑樵笠幾春風長身野鶴踏階並
捷足飛猿上嶺同入社正思尋慧遠移書底用絕山公
紛紜宦業看兒輩往事雞蟲一笑空

卅載論交洽紀羣辦香心奉豈徒云狂來我就批鱗集
宋張景文有批鱗集五十篇歸去公傳誓墓文海內清流餘幾輩尊
前明月止三分相逢不用歌難老細嚼黃花話舊聞

佛桑四絕句

一叢紅豔映廊腰，不肖編籬傍竹梢。好是尉陀臺畔望，
珠孃顏色比應嬌。
歷夏經秋任意開，朱朱白白費疑猜。海東若許移根種，
也見團團日出來。
陀羅薝蔔並紛敷，贏得佳名震且呼。初日才烘花正笑，
折枝先合祭休屠。
絕少濃香撲畫闌，更無輕辦可飄殘。朝華謝後斜陽墮，
莫要燒鐙仔細看。

舒明府

瞻

載酒桂堂雅集，卽送之山陰。

愁霖幾日閉書巢，送酒何來白板敲。共愛晴曦穿樹罅，

要看新水浸山坳。深盃未落紅花綻，短屐才過碧蘚交。
此去越中剛晚飯，細炊雲子待君抄。

今無恙 同作

施 安

草堂觴咏笑頻仍，仍轉蒼無煩策瘦藤。白髮何嫌幽興
劇，新晴翻覺薄寒增。苔皴疊石秋花亂，風定荒池野
水澄。冷節匆匆旋錄別，扁舟潮落望西興。

秋 日 過 慈 恩 山 房

三里河橋路，秋光在寺門。問花逢鳥下，得樹共僧言。活
水經時繞，涼陰向夕屯。翛然二三子，幽異至今存。

題趙

殿晨

聽松圖

道古堂詩集卷十五

桂堂集

七

吾友醇謹士恒以禮自束入世惟遵諭俗編傳家自著
敦交錄木序時聞借客鈔松枝未肯逢人捉畫師籠東
不曉事箕踞科頭妄相目從來至慎數阮生宣王一語
稱定評詠懷亦復寓妙理沈醉豈謂非高情先生卜築
臨溪宅慕阮何曾襲其跡石牀風亂讀殘書只對長松
坐終日礫砢意氣青冥上手掬松花合溪釀寬鞵瘦襪
愜幽期漏雨梳風結清響往來不少白石樵斧柯差喜
今無恙他日相期刷茯苓乞我過頭一枝杖

吳山秋眺

幽懷愴無豫策杖叩巖局與客憑高閣懷仙坐石亭竹

風穿樹響山色過江青無藥醫凡骨凌虛學鍊形

好山宜屢到勝友許相攜徑草盤秋迴江雲逐望低暮
聲仙院路黃葉酒家蹊卽此淒清意誰能泚筆題

甲子荒村住時時到上頭猖狂狎嵇阮嘯咏共應劉回
首浮雲改驚心逝水流莫嗟搖落候且醉竹間樓

罡風穿樹杪吹我墮層巔疊嶂澄秋氣孤帆接遠天眼
真無俗物身豈挾飛仙好境沈吟久歸船枕手眠

送蔡

家庭

高國

兩秀才還永嘉并寄趙廣文

鎮

打門聲急雨聲頻二妙衝泥自海濱苦愛清詩能入細
況兼妙畫久通神庠篷尙照來時月晚飯平分別後春

愁絕江東今歲歉一瓊誰念廣文貧

綺石齋觀宋劉益之所畫梅竹錦雞用山谷老人

題劉永年畫角鷹韻

癡人到老癡無敵愛玩丹青坐成癖高齋清悶日日來
慣見山禽呈五色山禽耿介心如鐵懶向遙天騰逸翮
羽毛綵繚空抱山情知不得文章力竹竿挺翠梅花白
山石崢嶸皴法黑丹黠紛黠神氣存張向輝輝雪色壁
時翹長尾彗寒雲肯借文身流妙墨癡蹲豈畏鷲鳥搏
仰視何嫌腐鼠嚇劉侯奇想盡通靈宛似山雞舒繡臆
蚤春待詔殿西頭寫出雄姿常中格浩劫銷沈六百年

敗素零縑有誰惜寰中肉眼久紛紜此畫君從何處得

消寒分詠得火箱

一箱髹漆櫪而修巧匠規形熅火周持較地爐便徙置
評量炕寢欠溫柔高眠不待黃綢設穩坐疑驂赤駟遊
日晚繡牀嫌道冷阿侯嬌放在橫頭

除夕吳山尋閱古泉雲壑諸舊蹟

天教妙手寫疎林歲杪無愁一過尋照座江光斜日迴
借梅春意薄寒侵頻搜古刻忘崖蹇共訪閒僧逐徑深
歸去青紅笑兒女清遊誰識老夫心

濤斂喧厓峭岸失奔錯轉疑大江濱別有小邱壑幽等
阻遐深密意渺款託雲生滿窻陰風定一帆弱方期汗
漫遊未踐隱淪諾陶陶利涉心棲遲待潮落始悟遲速
程萬有皆尺蠖

七里瀨用康樂韻

讀書緬前修夙昔蘊嘉眺帆遲路轉紆景入山逾峭絕
代揖孤潛荒塗隱客曜魚銜墮葉沈鴟倚叢竹嘯披裘
既沈冥晞髮亦宏妙共葆遺世情庶遠攢峰誚高臺蔓
荒烟千古仰垂釣手無竹如意叩舷未殊調

題嚴光傳後二首

堅臥難教姓氏埋至今嚴瀨有高臺若爲不著羊裘釣
更有何人物色來

一卷尙書受業新買驢給費劇艱辛廬江尙有韓同舍
只說先生是故人

三衢城下訪門人西安令高容不值用謝康樂贈

郭桐廬韻卻寄

匝月阻芳訊鬱鬱維子思弭棹太末城機舟水中坻官
事羈職守去任難自持所懷無由陳惻愴誰念茲既失
握手歡復益離羣悲明當復來歸歲寒以爲期努力保
令名遺子瑤華辭

玉山道中

一徑籃輿穩行吟復坐吟炊烟茅店午雲氣亂山陰送
客潺潺水穿崖磔磔禽野花無賴甚作意照塵襟
高閣登臨鬱古情片帆何惜翦波行青山睡起長橫几
白浪飛來半鬢城畫棟朝雲詞客去扁舟落日大江平
憑欄徒倚愁真劇那得同攜濁酒傾

南安蒙川館

侵晨緩帶石橋西爲訪蒙川迹偶稽孤寺族雲青入靄
坎泉添雨下成谿橫穿仄徑千盤迴俯瞰長江一綫低

莫笑客囊才思澀霜毫畱待嶺邊題

梅嶺

絕險誰教一綫通雄關橫截嶺西東攙天路迴盤蛇細
拔地峰竒去雁空戍艸亂侵蕭勃壘陣雲遙墮尉陀宮
荒祠一拜張丞相疏鑿真能邁禹功

峽山寺

江行屈折不知里今朝真到峽山趾屏風幾疊列門前
彷彿飛來靈鷲似黃茆苦竹紛璉隴犀牛潭水清若空
舍舟徑穿側岸入大樹楠爽搖天風山靈知我愛佳眺
導入三門轉清奧山暉堂界二禺祠帝子仙成顏尙少

振衣攬攬凌危臺數峰倒影風吹開綠蘿罅壁飛鳥絕
枯蘚滿洞清猿哀玉龍蜿蜒下峻阪蒼雪彌天晝疑晚
尋源更渡流香橋猛見飛流破巖壺崢嶸激響簷鐸暗
心魂洒濯毛髮森孤亭諒少熱客借絕壑疑有蒼龍吟
誰遣晶簾遮岫幌拖落天紳一千丈跳珠濺沫不肯休
要使多生首頻仰老僧對我長眉青花宮寂莫春長局
君不見勞勞塵世少仙骨難將常語酬山靈

武司馬

啓圖

招遊梅氏園林

東對天祖殿

多君著意耽清賞解識天涯獨客心

龍祠避暑三首

曲磴纖塵竹掃開石棋盤滑少莓苔生平畏見韋洪嗣
避向龍祠算劫來

朝來喚雨夜耕烟霧鬣冰鱗遍九天噴被藥師剛一誤
謫居塵海便千年

陽厓花木展山圖陰壑風雷闕玉符上藥太清誰第一
丹臺祇種石菖蒲

詠顧上舍

大本

齋前槐樹十八年前其慈氏所手

植也

瘦榦過牆活蘚黏老槐生計稱孤潛穿階月好濃鋪席
度礪風多翠撲檐目極宮雲秋影迴心依慈蔭晚愁添
頻來飽看盤挈勢羸得空廊盡日淹

同張明府甄陶游海幢寺

羊城亦詩國秀句說湯休勝日耽禪味清尊散旅愁岸
移孤艇去潮挾大江流百尺紅樓迴居然到上頭法真
法一

洪亮三上
座皆能詩

三門仍面郭溟漲到階彎綠借秋前樹青歸雨後山雲
移花漸暝風起鶴應還不是雙旌動經牀盡日閒
短策煩師導長廊路屈盤靜語禽語樂翠想竹光寒馴

鹿過經苑孤花覆石壇頻來應換骨不用一九丹

楊氏園林

不向園丁問姓來為尋詩地小徘徊平臺活水穿應徧
小院濃陰撥不開花解客愁當檻笑鳥窺人意踏枝回
招涼貪向筠廊立染得生衣綠似苔

聖輿圖為沈鑑作

魯雩門外壇崔巍參覃灌木大十圍龜山左顧帶沂水
差差綠漲初生肥聖門狂點見大意童冠六七相因依
餘寒乍減試白袷雜花亂逐羣鶯飛上已被除本國俗
此老胸次何祥襪解衣就水盤薄羸那得遽免同川譏

臨深況有辱親懼教猱母乃行人誹魯論古本踵訛誤
小儒咋舌徒依違昌黎解經出巨手奮筆直改沿乎沂
此義如撥雲霧紛紜曲說皆當揮沈郎觀書鄙章句
志在灑沈塵中鞿謹謝冠者挈童子意取活潑流天機
紅鸞拍戲苜岸青芽短短抽蘆碕游絲颺空知繫日
暖風度水旋吹衣眼前生意收不盡好事往往傳郊扉
從遊一問子所善樊遲而後三人稀涵濡聖涯更得汝
上與狂者爭幾希城南莫景翳將入舞雩在縣城南七里濯濯皎
月流金輝三章試咏舒天紹攜幼緩緩循隄歸

送呂伊往主白沙講舍

白沙教澤衍無窮辛苦賢侯締造功書院清芬追李渤
學堂遺制仿文翁從容觀理源終濬次第研經義更豐
好與諸生守家法布袍茅筆遡高風

極目岡州一送君石翁遺蹟尙紛紛玲瓏精舍方廬阜
崑岷高臺寄楚雲厓海民風從古厚胥江學派到今分
東西齋壁無多地好寫先生戒嬾文

秋日獨上五層樓望海

千級層梯宛轉過浮雲棲棟下承阿樓船瀨水思楊僕
黃屋蠻荒笑尉陀蜃氣三春侵畫堞駟夷百戰息瑯戈
茫茫漲海東南去極目天涯涕淚多

九日曹孝廉達招遊光孝寺喜遇羅秀才元煥四

首

相期九日散清愁共向城西古寺遊樹葉翠含梁代雨
井波涼漱海門秋吟邊剩韻邀羅袞劫外零縑見貫休
卅載疲津慙臥佛又隨紅葉上經樓貫休畫應真羅漢
一幅尚存寺中經

樓上有
銅臥佛

開卷欣然不厭貧羣材百五看扶輪禪居深觀終輪汝
素館元風定少隣放士羈愁銷浩劫降王往事委微塵
只須更乞袈裟地多種黃花待旅人

齋廚曲傍翠琅玕爛煮松花恣意餐識字耕田慚兩負

打鐘掃地喜粗安池光透日搖丹壁草色乘秋上古壇
俯仰便生身世感山僧只作勝遊看

細數清歡盡日嘉閒房深蘚徑蝸斜廳輪替戾金塗墀
烟燈參差玉畫叉寺僧出畫
數種見跡雲涌妬羅開寶網風來陀
利散天花白頭嶺外頻佳節得不驚心赴壑蛇

南漢金塗鐵墀歌

香刹崢泓花雨歇秋繁匝地涼珠結華幢七級鬪莊嚴
湧立東西兩突兀稜尖葺葺刺天閭蕉葉盤盤卷雌蜺
是誰畱此鎮山門儼似巍峩雙闕揭我來開梵訶子林
衣上濃陰清可擷脩廊走徧寶坊開捩眼香雲驚一瞥

青苔繡蝕九蓮花勁骨橫撐孤竹節層層烟蓋透瓏玲
獵獵風輪轉替戾細尋銘字瘦蛟蟠淨剔霜花釵股折
僞號公稱大寶年傳家不改驕淫轍矯首江天三太息
往事茫茫更稱說昌華苑裏月如霜歌舞岡頭花似血
髡徒噓燄竊國鈞熏涿瞞天汚朝列塗金定徵三品貢
鑄錯空糜六州鐵君不見天險頰爲荒宴移地脈潛致
媚川洩又不見洸祠枉殺邵廷瑁賀江晚起潘崇徹雙
女山前戰艦空流出降帆水嗚咽江南眼見死牽機西
蜀同時亦灰滅亡王獨爾保天年佛力居然佑顛蹶我
思縛帚埽遊塵梯恍難通徑路絕我思濡紙拓輕煤只

恐諸天嗔怪毒龍掣等僧弔古起羈愁漸漸西烏澹將
沒摩挲千過飽興亡歸到虛堂轉騷屑

欖溪麥氏以昌華苑懷古題開社得詩千首順德

潘守戎

憲勳

獨冠一軍其潤筆則東坡全集而以

銀盃線紗薦茗帑筆副之亦數十年來一盛事也

守戎招同人集鏡巖山房賦詩以紀予亦有作

苑冷昌華鬱古情潘郎才調壓羣英月泉枉自誇吟社
忍笑清翁潤筆輕

東坡七集七璠璣異代思公涕有餘讓爾一詩新換得
風流畱與采風書

謝耿三上舍國藩餉綠雪茶兼簡張司馬汝霖宣

城
一勝茅旗綠雪含敬亭山色此中參愚山蒸焙漁洋句
又扇風流到嶺南

拱北樓

蕩蕩雙門勢鬱盤危樓直北拱長安蓮花轉漏銅龍咽
雲葉棲簷鐵鳳寒萬里行完初放眼九秋悲後獨憑闌
朱明氣象層霄迴可許孤臣綵筆干

王欽州士瀚招集六榕寺

清晨到寺恰聞鐘翹首坡書見六榕法海安禪無怖鴿

香廚施食有天龍座收濕翠山形近衣襲寒雲增影重
多謝閒僧剛放梵肯將詩句慰衰慵

題雪堂贈僧因紹

雪堂竟日掩斜暉禪榻茶烟用意微果熟不妨猿攫去
花開時見鳥銜飛清吟助入三乘法綠蔭涼生七事衣
一笠近來長挂壁羨師真肯脫塵機

寄查三司馬禮柳州

別去剛三月離懷積萬重鴿原終古痛馬鬣幾時封世
事悲秋雨吾踪歎轉蓬隧銘思執筆真覺涕無從令兄
墓志有諾責者三年矣

寄顧芻揭陽

聞汝潮州任時時念故人不堪卅載別翻比在家貧援
手真無力開緘倍愴神梅花吾臭味好過嶺南春

大佛寺

銅佛青螺髻何時結化城僧房長對啟佛樹不孤撐飢
鳥聞鐘下香雲與屋平一秋頻到此只愛夕陽明

越秀山懷古

峩峩越秀山千古閱興替臺隍夷夏交月表秦楚際緬
維老夫陀荆棘此翦薙中原方逐虎兵甲惜勞弊從容
得闢疆屈彊遂稱帝帶海爲藩維草山作屏蔽不知漢

廣大頗恃兵鋒銳卓哉陸大夫一語豁蒙瞶稱臣請內
屬蹶起解椎髻朝臺壓闔閭奕世永帶礪北晨誤遠圖
煽處乏調劑戈船下牂牁一往失重閉險設釁可乘時
衰力能制始知開國人貶損有深計清朝息金革曠宇
喜開霽秋風吹餘花孤客恣幽憇日落樹盤鴉潮來城
上蠓江天雨蒼茫俯仰供流涕峇堯腐史筆憑弔落荒
裔

小病

墜戶才知丈室深低頭拳足似霜禽風欺瘦骨先寒到
雨識羈愁趁夜侵高枕薄衾便短睡花甕苦茗耐長吟

紅蕉葉暗蠻江外珍重緇衣適館心

中丞枉札問疾

胡秀才

世雄

惠西施乳二器

鴟夷一去渚蓮枯網得春酥自五湖夢裏記曾緇錦袜
風前乍似解羅襦老思俊味聞香醉狂愛佳名稱意呼
蟹女喚教歌勸酒寧帷應妒玉肌膚

胡秀才所餉初以為西施乳也發視乃西施舌更

成一首

華池清嘯漱寒漿一種芳馨意異常艷質洗空餘紺唾
霸圖銷盡剩脂香珠胎未滿應先剖玉盃初分得細嘗
羨殺吳儂占奇福不須私語絮夷光

題萬明府

承式

出獵圖

莽莽黃塵沒紫臺輕禽狡兔互鳴哀西京一首揚雲賦
圍合煩君細寫來
天低四野見牛羊乞取燕然作獵場三十六熊同日射
更畱餘技埽天狼

用山谷謝送碾賜壑源揀芽韻謝姜司馬

宏正惠

仙人掌茶卽送之京師

姜侯禔躬凜圭璧與我同鄉不相識昨見我詩知我瘦
贈我春芽滌南食城西行館共倚闌清池照出揚且顏
雕盤屑麪招近局相約昏黃巖際宿紛紜官事強推排

道古堂詩集卷十六
不得莎亭同秉燭歸來書堂說三禮孰與分渠辨涇渭
枯喉欲效毒龍噓燥吻居然渴驥似一餐飽啖束脩羊
苦味恰好澆詩腸嫩槍清映定堯綠石鼎小蒸松脂香
聞君鈴馱衝雪走酬爾新詩替尊酒

過晚成堂贈陳華封上舍

育賢坊路近喜得半千孫習嬾時欹枕甘貧早閉門醉
看雙樹直吟對碧池渾坐起關心問遺書幾卷存

金觀察志章家人不戒於火所著皆付焚如遠聞

搯擘弔之以詩

新宮三日火殘墨九秋哀電火搜崖壁魔風颺劫灰人

誰記七篋天豈妒清才努力收餘燼先營避債臺書來備述

寄懷汪徵士沈

脈脈長孤坐迢迢憶故人艱虞逢儉歲辛苦養衰親江
水應生鯉秋山不出銀劇憐經久別雙鬢更愁新

萬壽果

五百冥靈豈是奇今朝真見萬年枝影烘瑞日排仙掌
葉度熏風集羽旗歷劫已超龍漢外植根想在葛盧時
野人芹曝思同獻仰答高天雨露私

得閩中故人書卻寄

道正堂詩集卷十六
三
鄉心長在雁歸前回首生涯意黯然奉使自慚非陸賈
傳經差喜得彭宣浮江客去剛三月謂吳雍吳珮增過嶺書來
動隔年坐待深更僧磬寂不堪依舊抱愁眠

雨中看山用方都講集中韻奉寄

窮陰洩寒雨枯坐轉鬱快誰調邱中琴竟掩烟際幌接
檐雨高松作意逗清響山形既朦朧風勢更蒼莽羈愁
如頑雲焉得遂豁爽一披謝女詩快若抓背癢看山復
聽雨永此茆屋賞明將理青鞋因汝遂孤往

原作

錢塘方芳佩芷齋

連朝掩扉臥襟懷殊怏怏重陰晝亦昏遠色潤書幌

忽聞山雨飛檐溜送清響開簾得奇觀林木何蒼莽
豈徒眼界清足使神情爽擁鼻一微吟揮毫技復癢
橫斜字半歇聊以記幽賞絕愛羣鴉雛衝烟自來往

哭厲徵君鶚

驚才一代愧齊名力遜培風運海鯤小別遂成千古恨
百身難贖九秋魂清詞墜響文堂寂瘦影飄空野寺昏
細想平生遊往處終同阿買哭楓根

心傷鬼錄手頻掄可奈天先喪此人東郭冷過挑菜節
南湖淒斷采桑春等身著作憑公論任世風花付夙因
聞說神明真湛定彌留猶自戀衰親

復衣升屋叫荒祠
掌夢無憑祇益悲
服散幾年疎酒伴
分香先日放歌姬
契丹已定傳疑史
天水空鐫本事詩

君著遼史拾遺期與余金史補闕並

刊宋詩紀事百卷已刊行月上其亡姬也

年年踪跡滯揚州
兩點金焦健筆收
翠壁分題香界暗

玉山高會艸堂秋
韓江烟月魂應戀
石友情懷老更稠

謂馬曰瑄曰

他日來尋舊吟榻不堪腸斷竹西遊

冬日曹孝廉約遊光孝寺喜潘守戎自鳳城適至
遂訪羅秀才於大雲山房聽得圓上人彈琴搦二

鐵增字以歸

歲晚休百營人事
謝膠輶局趨蒿廬
蜷緬想香界濶嘯
侶計未果烟客忽
排闥衣上鳳城雨
孤峭見仙骨孝廉
來成三依倚蚤駢
歷一笑策瘦藤共
蹋蒼蘚滑訶林吾
故人濃綠昔所菱
宛轉青豆房導入
談理窟逆風旃檀
聞中有賈島佛酸
吟散餘花秀韻激
清樾脩廊招穎師
圍坐聽鈎撥妙手
寫天機希聲得鋒
筭幽冷應枯桐淒
風動華髮烟中兩
相輪精氣未銷竭
蓮趺半滿字汲古
所當核偃攜竹錐
膽猛借智刃刷指
摩出鋒稜摸認訂
遺闕證史悵古奢
嫉日咤今屹寬袍
二三儒助我費胼
沫吉金閱恒沙寒
鐵管興沒蠟扁異
鐘銘鈎畫駕翠碣

歐趙闕不收靈塔久抱屈謂宜亟編羸衆可吾亦曰幽
尋境漸窮循翫勢未歇風鐙借長明共此一醅醖齋鐘
漸散雲露槃不畱月惜景下寒階畱題誌牽拂

奉和堇浦二兄冬日遊光孝寺原韻

錢塘孫灝載黃

軟紅落衣襟脂車日膠輻清夢庾嶺梅故人海天闊
打門尺素書驚喜出房闥新詩纔到口秀韻欲侵骨
陳侯耽覓句論交蛩負蟹把君五字吟示我剡藤滑
蕉花荔子鄉六榕誰所芟虞苑訪訶林王園舊禪窟
羣賢得領袖一身雜仙佛言尋贊公房清池帶林樾

泠泠枯木音幽幽妙香撥氷炭忽入腸寒颺偏毛髮
惆恍境難畱徘徊情未竭雙堦蓮花臺大寶年可核
鐵色苔蘚深字形圭角刷金紫中涓貴姓名幾殘闕
可憐僞漢銀失險粵山屹蓋海鼓洪濤游魚尚濡沫
金像俄銷沉昌華久蕪沒空餘六州鐵千秋壽頑碣
寶界頂初高降王膝終屈悲風埒鈴語低眉佛不曰
我昨凌扶胥揚舲片帆歇木棉紅正然珠江綠成醖
地聞南朝寺天剩古時月安得從子遊壇影風旛拂
歌筵有感亡姬成四斷句
好似吾家擁髻人驚鴻意態舞鸞身邀他一晌橫波溜

道古堂詩集卷十六
三
縱使無情也當春
年時綵筆艷脩門借畫雙蛾淡有痕今日不堪絲管脆
楚王筵上獨銷魂
三載粧臺鏡掩輝黃泉碧落兩依稀返魂術在生香斷
解使魂來是也非
銀燭千行照舞臺鮫宮有意閉珠胎歸來總是簾垂地
騎馬拚教犯夜回

漫興三首

冬廬蜷縮蟄蟲如默默冥冥抱膝居僮僕從臾勤服散
親交敦勸少看書晚便絲竹供陶寫靜愛烟雲共卷舒

樹影未移山鳥下高寒門館果清虛

自分衰慵怯寢興卽看暮景轉飛騰寒廬幽味全虧雨
野處詩題半屬僧階草月明疑著雪水花風緊不成冰
鄰翁知負看山興許借過頭七尺藤

悠悠不是竟無才會炙韓蘇氣象來放腳欲騎鼈背雪
懷人頻折嶺頭梅浮生試借三車懺傲骨何妨五嶽堆
昨日短衣親掃塔遊人知是雪堂回

胡秀才惠黃獨

白髮誰能更變元感君黃獨慰衰顛採從玉室金堂地
鍊自青霞碧露天鴉背不須尋杞實龜牀相約養椿年

太清草木方猶在欲問華陽洞裏仙

耿三上舍以石栗見餉走筆賦謝

日南聞有石栗子高樹蟠根巖谷裏雲液蒼寒結漸成
海風擺磨扇不死殼如螺蚌剖纔開肉比橡芋味尤美
多愁鸚母啄來空還恐猿公攫無已楊孚志物見未曾
劉恂錄異獨遺爾湘門先生書通神側勢圓峰兩難擬
崢嶸碑版照四夷金帛連輦溢閭里何來急足擔兩囊
換得鵝籠剛一紙油窗念我瘦影寒倒皮平分走青兕
開械失喜資博聞笑口張箕露脫齒少年志大輕世儒
一物不知引已恥耗磨心力老無能落腳蠻荒新睹此

癡兒嬌乞擷未休黠鼠飢偷銜不起堆盤細嚼慰枯腸
異味真堪動食指小年消夜又何求配點薑茶吾足矣

頃以湖筆詒耿上舍蒙以石栗子韻見訓復用前
韻答之

和歌握管者誰子商聲夜出茅屋裏橫掃能令散卓愁
苦吟要咒妖蠶死興來擊鉢鬪孤清醉後臨池更流美
摩厓力擠王子端閉門心笑陳無已論交有道虻憐夔
絕藝能兼吾讓爾古人工書貴擇筆健腕從心憑所擬
吾家茗雪西復西捆載霜毫走萬里燿火牢黏鹿角膠
封題更裹竹膜帑銛如快刃斫鼃鼉圓若強弓射犀兕

柔如雲絮散角觶健若罡風磨鋸齒屠希程奕能爾爲
諸葛宣城見應恥水鄉絕技妙天下巨手惟君克稱此
遠山磨墨石闌斜咄咄毛錐呼躍起飄飄鸞鶴恣盤拏
拂拂雲霞効臂指大書照耀粵山隅下馬來觀歎止矣

禮部榜發

恩命落第舉子年逾耄耄者給與新銜當塗徐文靖授

檢討山陰王任湖海昌林玉藻皆授助教錢塘王

延年以助教竟晉司業尤蒙異數四君皆余所厚

喜而奉簡

白髮新承

聖主恩同時拜 命在脩門西清風月神仙貴東序鐘
鏞國子尊捧日頓教誇晚遇飲冰才得轉春溫從今結
伴還鄉去認取青衫雪涕痕

冬日雜詠

禁寒先乞短屏遮悴葉吹完草未芽一樣晴窗好風日
春前催放小桃花
一年最好雨瀟瀟靜吐紅花伴寂寥真箇臘深霜雪少
壓檐濃綠看芭蕉
飛飛幽鳥解依人攪幕穿簾日幾巡羈客算無閒眷屬
與卿同過太平春

戊削山衣露瘦痕銅匱熏透不曾溫箋天乞得黃綿襖
日上南樓獨負暄

感逝傷離百喟增阮狂嵇嬾又無能曉鐘初動攤經坐
只算堂頭粥飯僧

風颭寒燈一穗烟眩搖銀海不相便道人勸洗菖蒲露
午看衆星猶在天

高城西去好孱顏霸氣銷沈夕照閒一望喜無雲隔斷
晴鴉飛過越王山

青茶一樹覆檐深幾日飄殘噪晚禽等是天涯雙禿鬢
樹猶如此我何任

小除日雨中同潘

憲勳 吳元洽作

復此小除日親知問訊疎江城紛莫雨飄灑滿寒廬短
睡添衣後清吟閉閣初只應呼老伴酌醴炙枯魚
一雨將愁至因風任意飄滿拚將盡臘同聽可憐宵脫
葉清分響烟江暗長潮登樓有羈客凝望思迢迢

無片石隨一婢赤雙脚一奴面目驚鳩鳩哺七子辛苦
巢桑枝山田四十雙不能救朝飢暇著活人書用以謀
鹽醢處方起廢疾往往應手治堆積宋清券可惜皆窮
黎大府走書幣請爲多士師稍捐藥市技仍樹文堂麾
課藝手腕脫說經峩冠危奧義洩元化高言豁羣疑坐
待諸生問那顧流俗嗤請觀國門懸皆其所鑄辭我居
東海濱與君勢久違快乘九江船五兩南風吹摠衣趨
末席執手承清輝寸心各有托昭質兩不虧分申義自
叶道契情亦怡隔巷白板敲挾日通履綦喜申誓旦旦
不議來施施風雅陳正變世運推盛衰棋槩破趨悶談

讌清飢疲麗製足獻酬妙義供思維謔恃齒伶俐笑掀
髯于鬣窺案蘸墨海遷坐據井廩呼茗聒童僕懷果招
嫫媿檉喧屢促騎鐙爆忘燒衣蕭然一丈室濶袖龐兩
眉雖近五都市何異九里溪在西樵山衝寒櫂孤艇舍我還
茅茨西樵好山水絕壑凌丹梯圓峰挺蒼紫驚瀑飛珠
璣花村一十三村村事磁基原田跳穀犬深塢啼竹雞
風俗安樸野草木欣蕃滋一唱更三歎君歌豈吾欺君集
中有西樵紀遊樂府 緬昔釣遊處古樹圍荒祠荷鋤掘杞犬迹磬
尋僧祇竹戶繞琴韻茅檐飄酒旗山情老彌眷朝遊莫
忘歸小除冬景佳一室歡相依清醲糟床滴右牽黃羊

剖殷勤祭竈神尻高首復低銅童與驕孫醉飽安職司
祐汝添雛鳳保汝息吼獅染媚側室髮銜請比鄰卮油
窗靜眠食弄筆西南窳緘書綴新篇以報知已知上言
敝帚享有集符吟癡峨峨士安序譎詭多瑰琦天聲震
聾聵高睨追黃羲膽落千小兒縮頸不敢窺嗚呼吾羈
旅遑敢論是非因君鸞鶴音動我江河悲粵海古詩國
照耀天南陲其色朱孔陽其方位在離珠貝出蛟蜃光
怪時閃屍孔翠弄毛羽文采矜葳蕤仰覩繼明治
王化被島夷宜有冠古才椽筆舒紛披奈何世運降典
刑日就隳一閔販夫市三家邨塾師擾擾設壇坫各各

雄品題往籍束高閣先哲任詆譏么膺妄尊大牛鬼難
端倪流惡無汾澮薰蕕塞兩儀君也九折肱方書歷可
稽國手師俞跗內經翫黃岐醫俗等醫疾術異理則齊
三百二十味涼熱各有宜用瀉不用補夙昔君所期巴
豆生大黃力猛無畱遺以彼下劣魔煩君暴下之飲以
三斗醋灑去六斗泥金丹換凡骨砭石更熨肌庶幾五
羊城其俗乃可醫試鐙好天氣車馬紛交馳君如畏風
燕一龕穩蟄棲屢招不肯出引領日以幾往就季主卜
布卦得朶頤耿三國藩有佳釀清辣燒津梨云自漂榆
城北客間關攜我亦穿重圍一奚提兩甌鸚母香螺盃

待子歡相持荒齋鬪險韻長日抽清思共煨品字柴撥
火銅袂提相向鎬腳坐撓酒青玻瓈招邀陳上舍華封
算四公子碁膏騰窮日夕跌蕩相娛嬉苔榻爲君下竹
爐爲君支遊艇期屢誤都籃寘復齋不來爲爽諾能來
母稽遲報章雜詼嘲以當中懶詒

堇浦先生見和長篇次韻再寄

南海何夢瑤報之

僕本巖壑人宛爾麋鹿姿隨分具足翼蠕動而蠖飛
自喜仰德生造物若見私長林適野性肯受銜勒羈
結童事學業聊用營糧資談元有好友風雨同喔咿

斷爛兔園冊寒乞蓬屋詩憑誰假風翮將我遊雲湄
何意陳橘柚作貢登王畿快若袒豹裘倚醉數箭
痍回谿憶垂翅虛發恒驚嘶屢遭冬烘罵不辯唏與
幾齟齬謝昔嗟風雲看今隨摸頭笑免責照面訝失
鬢爰干代耕祿亟借棲鷓枝詎謂拙宦效不救季女
飢徒種泉明林強飲景略醯鄉里束帶謁文書衡石
治賽理生熟獐俗謂質論奔走大小黎廣西山名自誇
蠻夷長叨稱慈惠師山城大如斗公然樹旌麾一調
逾十年苟容常懷危先日舉大科失學吾自疑山雞
舞石鏡恐爲時所嗤噉名雖欲就揣分誠當辭君才

不十倍相去萬里違道舜晉人前映然劍首次七曜
方經天瑩燭難爲輝用甘雷劍埋寧論昭琴虧戴星
心雖勞飲水情亦怡五斗安粗糲一室樂縞綦時復
驕醉飽從外來施施哀哉叅語人暮槿同萎衰傷逝
頗自念速彫愁體疲莊缶擊潘岳經案遣王維青銅
對我笑霜毛何鬢鬢可憐遼陽豕仍作庭中麋廿載
閉車婦應嫌老且媿著我鹿皮冠還我芟製衣珠江
蘸清醪樵嶺橫脩眉獨寐碩人軸永辱愚公溪遮眼
有蒲編蓋頭有苗茨雖復傷矯激較勝嘲突梯所憂
歲旱潦百口炊珠璣二頃無負郭萬斯何由基空煩

咏秧馬那能飽樹雞草木差可使藥欄春雨滋硯田
矧未荒力耕豈吾欺談經越王臺賣藥海神祠貞疾
驅瘧鬼殘年托蒼祇酒榼挈茅柴茗椀鬪茅旗看山
每獨往訪友或晚歸南園幸復闢社客歡相依敗管
雞毛縛破硯羊肝割不厭詩味苦不厭詩名低但從
壇坫役敢擬旗鼓司况乃日南象驚見江東獅君今
昌黎子高言埽重厄洪鐘厠瓦釜華屋容陋籬苦追
餘子步謬辱國士知妙義淪沉滯真觀破暗癡有時
調張籍解旆出謠奇有時嘲魯連鴻聲追皇羲有時
示無可元睿鬼覷窺有時語區宏荒忽天是非萬狀

窮神姦衆音雜謹悲翱翔排九閭蹴踏周四陲元珠
與紫貝光怪時陸離天吳與罔象髣髴而閃屍枯腸
漑餘瀋朽枿借芳蕤流汗走文昌旋面失冰夷羸師
當勁旅未戰先靡披誰謂長城堅所攻無不隳南海
詩之藪太史序拙集語五子經品題褒嘉露天骨太史贈潘華蒼詩有
羅蘇何梁陳各無乃含譎謀不道老夫耄安問垂髫
各露天骨之句倪願公轉洪鈞元氣斡璇儀霽月行常儀音娥光風扇
諸稽鐘呂宣東序荒穢滌南岐羣言息淆亂萬物就
絜齊庶幾詹若炎小大各有宜孺子倘可教敢後老
人期吾衰已甚矣一飯三矢遺日暮途且窮貿貿將

何之欲飲鼠無河欲食蚓無泥兼復災剝膚慘若虫
嗜肌仍挾活人書遠作小兒醫遂煩放豚追應嗔繫
馬馳虛疑七十君畱我巢雲棲孤負歐陽九椽筆序
鄰幾報章善諧謔妙脫匡鼎頤終曲更清爽快嚼哀
家黎何必步兵厨美醞恣取攜坼裂論文樽吸破借
書瓶與君更申約蘭楫行當持莫更嘲華元棄甲來
于思慙懃償契濶面耳重命提同拉耿與陳鷺潭泛
玻璃卻愁鳥爪人臨江投枯棋苦語等寒號發君一
笑嬉莫信窮能工筆牀數四支莫訝藥囊空孤身無
所齋韻險屬和難金盡來歸遲聊答瓊玖報再賦木

瓜詒

家書

生計悲無賴封書涕淚新細商持戶策敬問倚閭人憂
歲心偏切思兒境轉辛白頭強飯在好過數花春

謝查十一餉木瓜

投贈深知意有餘蕭閒七字美難如陡教黃色連眉見
最愛清芬落手初爾雅記曾箋楸實風人例得報瓊琚
冰斃堆作齋頭供已覺春烟滿草廬

寄鄉中一二知己兼傷李

汪洪沈再俊

珠江極望隔巖關投老孤踪寄百蠻青草戰秋寒不死

白雲韜日晚難刪蕭閒詩卷畱初地縹緲鄉心落遠山
地下故人頭尙黑不須惆悵鬢毛斑

過程學使巖拜石亭

勘書芸局並歸鶻良袂判來又十年人海音塵長契濶
蠻鄉車笠復周旋石亭蘚蝕熙寧字九曜石上有熙寧諸公題名藥
樹風吟澹泞天絕似瀛洲閒坐處衣香猶潤御牀烟

潘守戎將歸鳳城適阻寇警相畱度歲

緊縣槎牙指顧中紛紛羣盜敢交訐增城東莞間奸民不靖約日俱發督撫躬率銳師擣之獸窮已戒三驅失蟻聚猶煩九地攻天塹長
圍遮去鳥烟江橫戍阻歸篷殘年且共團圞飲起看妖

星一掃空

將歸鳳城聞江上寇警堇浦先生相畱度歲

順德 潘憲勳 華蒼

淒風寒雨滯歸期又說烽烟四路歧
甲士洗兵樽俎日愚民玩法太平時
畫鳶小队飛江渡射虎雄才隔歲移
博得逃年羈客夢雪深堅壘領偏師

臘月二十八日同潘憲勳 吳元治登拱北樓

飛樓四望挈吟曹百級梯危八柱牢
急景心驚銀箭水寒空思借赤霜袍
邀晴接巷喧春鼓噓海迴風捲翠旒
搔首上清淪謫久到來方覺置身高

羊城除夕

莫景飛騰復此年襟裾盈座燭雙難
羸身寄傲蛟涎外歷尾回春斗柄前
鄉國劇愁慳雁信山城聞說靖狼烟
堂堂一事虛無補枉費芳華十萬箋

癸酉八日

人日登樓望寒天面面雲烏飛愁裏見
潮落靜中聞小院桃先放荒街草未薰
生憐無賴雨向晚更紛紛

擊賊

擊賊猶能老據鞍緣江橫鶩鐵衣寒負
嶠窮虎何難執巢幕飢烏豈久安
猛士雲臺新給仗堅屯風峪夜傳餐

還期解網師湯祝莫等鯨鯢一例殘

春寒

春到寒應斂兼旬氣尙凝每思閒處避陡覺晚來增風
閃青燈燄愁生翠被稜熏爐香屢換猶自怯晨興

陳村舟行口號

百丈牽風度陌阡烏犍接尾掉春烟朝來一雨新苗發
便有人耕海上田
十里塘迴岸柳明漁郎曬網一舟橫晴波不隔東西港
短塔斜陽空復情

水松長比岸松長亂石紛如叱後羊石壁斜連林嶽渡

翦波不用飽帆張

溪行何處辨朝昏只認寒潮退後痕十里萬株龍眼樹
板橋橫處是陳村

陳村村酒豆苗燒春賽叢祠處處邀怪道月明閒不得
高樓臨水夜吹簫

十七夜公讌李忠簡公祠下其族人來會者二十
有三人

昔昔山房散晚愁謝家羣從復堅畱學堂方議溪毛薦

時余致書兩院請增設忠簡及黃文裕公兩栗主於先賢堂祠屋先申野菽酬綵樹

華鐙重買夜雲階月地漫迴舟明朝又作河橋別記取

龍津是舊遊

舟停石壁過李生 德桓

李生從吾遊奧義欣屢叩撰杖禮彌恭買舟意良厚遠
移邱壑情將以樂衰朽吟情愛子清山貌訝我醜莓磴
滑欲扶危橋怯先走招攜得心朋提挈賴小友哀衣諸
父老迎謁紛擁帚 李宗迎謁者凡十餘人短亭淨無塵知己相待
久導入君子堂布席先兩叟臥甕坼舊醅焚魚翦新韭
勤拳徵僮婢齋潔寄戶牖想見夙戒心用意豈或苟短
晷催迴舟舟人已被酒勞子低徊情殷勤送溪口

春日懷吟社諸公却寄八首

紫薇仙吏水曹廳出守翩翩宦轍停綺歲買薑過錦里

全家噉荔到楓亭細吟老杜賦剩句力辨虐秦焚後經

酈菊甘馨滄酒冽歲寒珍重制頽齡 朱太守樟少令江油有此馭問絹等

集吳通守廷華著周儀二禮疑義

春雨春烟滿竹林論量勝地費沈吟風亭鬪句藤花覆

月榭徵歌蠟淚深宦海獨申將父志天涯誰識托孤心

可憐江上經年別一卷初開思不任 梁編修啟心以終養家居吳上舍城

友誼敦厚余嘗謂可以託六尺者也

羨君安穩住江鄉鱸膾蓴絲得飽嘗山館竹風侵蕙幌

水房荷氣上糟牀寒衾老借仙姝煖秋卷閒從驥子商

并訊冬心老居士得錢會否理歸航丁處士敬龍泓山館汪廣文臺城北

水房皆吟賞幽境冬心居士金布衣農自號也客揚州數載矣

能來三徑祇羊求卅載萍蓬各浪浮善病衰親艱侍養

長飢小婦迴含愁榕城兵制縱橫論梓里遺文次第收

符沈張爻零落盡不堪盤馬過西州汪徵君沅入新將軍幕府為撰福州

八旗志王秀才曾祥搜緝武林遺文符之恒沈甲兩秀才張燾爻聞望兩孝廉皆松里故人也

為政風流又幾年陳畱書記更翩翩租船記送胡奴米

買宅曾賒邱伯錢茵閣雪深翻墨海印牀春霽繞茶烟

月翁辛老紛遺藁次第煩君棗木鐫舒明府瞻與施上舍安謀刻顧行人

之珽周徵君京遺詩周詩已竟工矣

雲海飄飄歲月重清寒生計倦遊踪秋衾已失三姝媚

社酒難治兩耳聾金粟香濃初罷講黃皮墻廢獨聞鐘

晴坡記得同登陟竹杖拋來已化龍施秀才謙有三姬已亡其二傳太史

王露近苦重聽恒公在天竺法喜寺讓公住南屏萬峯山房皆社中外交也

甚矣吾衰歲更加觀河面皺鑠春華團團踪跡巡檐鴿

冉冉流光赴壑蛇金敞補官心尙嬾戴顛遊楚計仍差

天涯朋舊同蕭瑟一度題詩一嘆嗟金觀察志章所居被火余力勸其赴

闕戴大使廷熺余薦遊湖北學使幕經歲仍歸

狎鷺盟鷗物外身只將孤冷學先民生衣野寺秋聽雨

短權重湖夜餞春別去緇塵驚老大年來烟骨各嶙峋

如何香火緣紛結不及東林社裏人

朱霞林元詩筆清峭不入吟社

寄題南海李上舍

穠

天人廬八首

三法堂

老去耽禪寂精廬佛日長三車重說法雙樹別開堂
花雨巾瓶淨巖風戶牖香貝多無礙義閒就老僧商

天人樓

引手星河動危樓出樹顛江風吹滿月人語隔諸天
積翠穿簾入清波繞屋偏夕吟時倚檻只有鳥聲傳

虛者亭

世途牽愛染禪味祇觀空隙地干竿竹虛亭四面風夕

陰花照眼秋滿月當中飛鳥無拘束能來伴醉翁

綠竹林

綠水方盈澗幽篁又滿林晴烟當牖暗濕翠過橋深
印月篩清影搖風答苦吟彈琴宜坐此一寫歲寒心

丹荔臺

兩株丹荔樹佳實冠炎州編援防人摘爲臺藉汝休瓊
漿方夏美黑葉至今稠欲種甘蕉並長來鬪酒籌

白蓮池

淪漪方一頃都種白蓮花葉大深藏鷺波明細數沙色
欺殘月暗香入曉風賒只恐妨溪路無心著釣槎

稻花田

幾稜山田熟爲農紀歲華催耕依布穀分畝學袈裟好
雨露偏重西風捲欲斜殘年欣飽食吾願又何加

雪液井

愛此澆花井涓涓尺水寬白雲當曉墮蒸液幾時乾苦
竹圍荒徑青苔滿石闌軍持勞一汲風起亦生瀾

春日魏公子

大振大文

招諸吟侶集六榕寺

吟朋連襪破春寒選勝欣遊淨域寬照水白雲橫野席
經天斜日轉扶欄莎臺鳥去山花靜藥院香縈佛火殘
三度題詩驚長老巡簷重拂蘚痕看

三元宮用少陵憶昔行韻

琳宮拔地雁展翅挨傍紛如貼輕舸心驚危棧出槎枒
膽歷烟梯怯么麼集靈縹緲謁帝歸竒鬼爭獍向人坐
鳥衝旌節步虛過松奏笙鏞半空墮丹房有月燭幽陰
石洞無雲闕鎖堅屯殷壁拓弓弦夜浦推窗見漁火
火鈴龍毛搖扶蘇綬帶霞衣側婀娜吹簫駕迴鳳難期
薦菊盤空泉亦可青苔白石不逢人鐵券銅符誰贈我
采金鑄鼎跡已荒立茅受印計終左金波浪說竊靈藥
碧海何曾結仙果烟鐘催客踏斜陽獨向寒江看側桡
耿上舍有盤飧之約忽出豐廚移詩責之兼呈馮

明經公侯陳上舍華封

閒來便想到君家飯軟茶甘興倍加詩地偶爲雞黍約
食單何用蟹魚誇風流吳楚朋襟接天色西南雨腳賒
傳語重城休上鑰酒邊政要說梅花

上巳日顧正謙胡文英過飲

靈辰重元已際此風物美綠樹遠飛花澄江日流綺幽
負書堂清寂莫抱圖史楚然二妙皆層階曳絲履地異
洛圖山人如蘭上里雖無峻嶺攀頗有傑閣倚佛圖聳
千花仙城亘百雉林亭互鈎帶雲氣幻蒼紫幽情獲暢
叙俯仰玩物始飛觴碧檻前弄翰密蔭底復此風中琴

妙契濠上旨芳華易沈歇乾沒復何止聊極視聽娛爲
樂追昔軌

咏木綿花四首

海珠寺裏尋常見黃木灣邊寂莫紅一樣天南任開謝
無人知歷幾春風

風塵瀕洞長根荻拂檻穿廊恣意開不合喚他烽火樹
千春長照粵王臺

目極牂牁水亂流低枝踈地入端州最憐三月東風急
一路吹紅上驛樓

擘絮吹綿日欲斜此行真見日南花花時定有紅鸚鵡

通言集卷十七
天半飛來啄彩霞

遊五仙觀望懷聖寺塔

坡山一部婁偃蹇臥塵陌百隧攢蜂窠古殿壓蛟脊荒
忽騎羊踪掩靄信靈宅翻翻五仙人捏塑儼且赫手持
雙岐穗腳踏已化石祈年兆屢豐報賽衍自昔層臺遠
飄鐘澀蘚春繡壁頗疑陰房幽定有奇鬼瘠紅樓試窺
覘萬瓦納青舄刺天番寺墻髮禿嬾不憤頽唐傲斜陽
邀我一撫拍森然起暮愁恣意展吟屐潑翠收巖根誰
鑿大人跡深痕辟支跌武敏巨靈蹠云云太古泉演漾
一泓碧仙蹟知不磨去日悵已積照水弄活雲排烟戀

遙夕振策尋舊蹊綠樹更蕭摵

鹿池山莊圖

屋後鹿池山門前鏡湖水磐石坐不移把竹釣清泚
釣既不得魚得亦不復賣謾謾松風生題作小鹿砦

喜李

大生大作
自陳村至小集講院

二妙愛清夕翩然肯過尋
嬌花扶屐緩璧月墮檐深
豆酒諧鄉味書堂有莫吟
翻思元夜飲容易別青林

題魏司馬

縮課兒圖

吾聞漢有鄧仲華勳高望重願不奢
子十三人人一藝後乃各自名其家
又聞晉有劉長盛教子紛綸經史並

蔚然門內七業興北州學者莫與競魏侯攬轡來黔中
諸郎玉雪驕春風佳者龍鳳劣虎豹頭角嶄露牙須雄
侯今施政政已通訟庭長草青丰茸晚衙初放常自教
短檠噓燄燒青空此樂於今幾人見寫入圖中洵堪羨
不將蠟鳳滴圓珠共向銅槃誇異饌青箱素業世爭傳
鈹鏤門風原不賤清時養就凌雲姿豈患雄文少人薦
我輩於世百不聞愛就阿戎談夜分投牀隔屋支枕聽
琅琅送響清入雲長公名聲如蘭芬次公意氣更不羣
橫經奪得戴憑席弄筆書破羊欣裙盤空硬語輒敢和
跋扈真足張一軍杜言純袴不餓死蘇言識字憂患始

斯皆過激非信論吾所斷章不在此請標一事舉似君
苻讀城南陶責子

夜入羚羊寺

羚羊峽束初上潮斷岸千尺被菁茅衝波卷浪擗柔橈
舟師怖恐龜魚驕松間忽出喉火照始識蟻路緣秋毫
登登輕策攬臂上蘚磴屈折藤蘿捎榕陰黯黹穩棲鳥
石骨逋峭愁飛猱野僧披榛起肅客織塵不動蒲牢哮
潮音傑閣亘天半香雲縷縷盤空坳側窗透空望江影
似有寶月中招天風擺磨振仙梵飄墮木杪驚鳥巢
吾聞仙人顏李蕭伸臂運筆一丈高

見范石湖詩註

英山古寺

昔題壁靈迹已邈難追鈔茲宇崢嶸夾山立佛力猛鎮
千年蛟一重沙界一重甍腹背交壓菩提梢攬天峭壁
闕雲篆浩劫期我騰神尻埽空試鐫三百字畱與好事
懸椎敲脩羅降雨助墨海餘潤立灑潮田磽江深夜黑
一揮手燭龍銜曜應相邀

登端溪講院天章閣望州衙後圃

蕭閒門巷履綦稀獨上層臺弔落暉汀艸有情隨岸遠
海鷗無伴破空飛遙峰雲絮猶披帽碧甃苔花欲上衣
等是鄉園歸未得幾人曾采北山薇

區必位吳式郡梁新謝天申黃文五文學載酒過

七星巖

竹轎衝泥度石梁到山先問贊公房酒傾畫榼三升足
杖借紅藤七尺強陰洞探泉鍾乳綠澄湖盥手水芹香
南來雅負登臨興屈指斯遊得未嘗

贈七星巖下僧 慧徹

伴我山遊得惠勤一龕清與佛平分方袍樹底歡迎客
短杖峯頭健撥雲貝葉靜磨坑硯寫花巾晴換戒香熏
莎亭盡日無人到剩與吾師判夕曛

七星巖

紫微宮中七箇星上四下三如斗形幾時相率畔天去

後漢書襄楷傳下之
畔上猶星之畔天
隨風飄墮來南溟森然萬古立積
鐵尻脊挨排忘偏仄千盤鳥道擢脩莖朶朶蓮花深黑
色傳聞上帝觴百神瓊筵開向崧臺春仙音縹緲不收
拾石鐘地鼓今猶震初向傾崖尋景福辱豁猶疑巧匠
斲旋從地底度量梁宛似窪樽剩空腹乾維坤絡交撐
扶元氣淋漓結員屋鬼斧費剗鏤鷹窠更蹙踈瑤簋玉
柱掛瓏玲乳竇垂垂滴青綠銜訝三洞黑水風縛火照
壁寒烟空模糊雲篆不可辨但有千年仙鼠時相逢一
綫窺天才倚杵癡龍磨角挾龍女石牀珠井不肯眠去
向寥天降粗雨石氣陰森毛髮慘輕污蛟涎吾豈敢鼓

衰尋路滑蒼苔蹉踖巖窪首頻領漑漑一石乍帖妥畱
與神仙置丹竅神仙不來心孔悲域外奇觀悲獨覽穿
空更上璇璣臺洛迦紫竹侍善才隻鳳無聲石旗閃陰
風日夕吹紅埃螺旋蟻折別開戶下臨絕壑驚湍哀粼
粼白石禁偷鑿靈威局鑰何時開披襟臨壑亭邊坐放
眼俄驚瀝湖大桃花水上蜻蛉輕萬頃琉璃新劃破殘
春弭權拜山靈石燕衝烟飛一個孤僧期我青松林白
日韜影雲霧手中拄杖拋不得驚猿透沸哀禽吟綺
田錦嶂年年在巨手難逢李北海梯危力怯二天門一
兩芒鞋畱有待

扶嘯臺

嘯旨不復傳猶畱一片石人行松果上烏夢藤蘿夕明
月上霄關徘徊待烟客

登屏風巖絕頂

躄奇那復惜筋骸扶上屏風絕頂來圓磬一聲飄樹墮
晴嵐無數對窗開盤空細認愁猿路望遠橫添越鳥哀
借得山僧新粉壁始知謝朓有驚才

寶月壇

斜抱長堤寶月空層瀾湧現梵王宮周遭碧樹三春色
披豁晴軒四面風鱗甲翠生衣桁外烟鬟橫墮酒盃中

鄉心正憶湖心寺樓閣看來髣髴同

問金山長

祖望疾

爲汝淹遲久荒江少釣篷圍棋深雨裏橫榻晚春中疾
病餘生幾憂虞所歷同葉公希元頻過酒猶有古人風
閉戶經旬過艱難信此州旅疴綿百藥家信滯三秋積
雨疎輕策餘寒戀敝裘殷勤重問事喜有賈長頭

明嘉靖中端州守曾直建八節祠於北門外以祀
唐張柬之李紳宋劉摯鄒浩胡寅胡銓畱正張世
傑而魏元忠以亢直貶高要尉獨不得與余以春
日肅拜祠下心獨異之作歌簡吳太守

繩年

劉高

要為鴻

君不見魏元忠布衣上書論兵事金殿吐氣如長虹鐵
冠峩峩肅綱紀豪奴杖殺都亭中除惡志在清君側白
簡豈顧張昌宗羣邪側目謠詠起卑官謫墮炎荒叢洞
夷畏威噤不發至今崖下流清風吁嗟高要一隅地貶
宦往往王侯充韋承慶輩不足錄如公豈合隨沙蟲我
來端水恣臨眺步履晚出高城東俯俛祠屋壓道左大
樹突兀寒烟空入門肅拜認粟主八賢名姓昭愚蒙唐
景龍逮宋迄命大節歷歷摩蒼穹茫茫宦跡證人代屈
指獨少齊貞公元忠封齊國公謚貞去畱豈復有深意討覈那不

謀羣衷筮鏞暗啞芹藻闕閱二百載無人攻自來守土
責匪細社稷尸祝宜甄綜漢陽王傳志失載高要志不載張柬之
與公乏祀將毋同旅窗作歌寄牧尹會看闕憾能彌縫
豐祠從此標九節亘千百世垂無窮

閱江樓

送別江樓思悄然橫江指點碧欄前山頭雙塔遙相望
鳥下千家近接連雲絮紛紛催晚色風帆葉葉飽春烟
獨憐妙景江南並不得金華一記傳

